

四庫全書薈要

• 乾隆御覽本

子部

欽定四庫全書薈要

子部

內經素問卷二十四

二至

詳校官主事臣陳本



黃帝內經素問卷二十二

唐王冰次注

宋林億等校正

黃帝內經素問卷二十二
黃帝問曰五氣交合盈虛更作余知之矣六氣分治司

天地者其至何如也五行主歲歲有少多故曰盈虛更作

不足隨之不足而往有餘從之則其義也

生太虛三之氣司天終之氣監地天地生化是為大紀

故言司天地者
餘四可知矣

岐伯再拜對曰明乎哉問也天地之大

紀人神之通應也

天地變化人神通為中外雖殊然其通應則一也

帝曰願聞

上合昭昭下合冥冥奈何岐伯曰此道之所主工之所

疑也

不知其要流散無窮

帝曰願聞其道也岐伯曰厥陰司天其

化以風

飛揚鼓折和氣發生萬物榮枯皆因而化變成敗也

少陰司天其化以熱

炎蒸鬱燠故

太陰司天其化以濕

雲雨潤澤津液生成

少陽司天

其化以火

炎熾赫烈以燥寒災

陽明司天其化以燥

乾化以行太物無濕敗

陽司天其化以寒

對陽之化也注云對陽之化

新校正云詳陽字疑誤

以所臨藏

位命其病者也

肝木位東方心火位南方脾土位西南方及四維肺金位西方腎水位北方

走五藏定位然六氣御五運所至氣不相得則病相得則和故先以六氣所臨後言五藏之病也

帝曰

地化奈何岐伯曰司天同候間氣皆然

六氣之本自有常性故雖位易

而化治皆同

帝曰間氣何謂岐伯曰司左右者是謂間氣也

六氣分化常以二氣司天地為上下吉凶勝復客主之事歲中晦吝從而明之餘四氣散居左右也故陰陽應象大論曰天地者萬物之上下左右者陰陽之道路此之謂也帝曰何以異之岐伯曰

主歲者紀歲間氣者紀步也

歲三百六十五日四分日之一步六十日餘八十七

刻半也積步之日而成歲也

帝曰善歲主奈何岐伯曰厥陰司天為

風化

已亥之歲風高氣遠雲飛物揚風之化也

在泉為酸化

寅申之歲木司地氣故物化從

酸

司氣為蒼化

木運之氣丁壬之歲化蒼青也

間氣為動化

偏主六十日餘八十

七刻半也

新校正云詳丑未之歲厥陰為初之氣子午之歲為二之氣辰戌之歲為四之氣卯酉之歲為五

之少陰司天為熱化

子午之歲陽光熾燠暄暑流行熱之化也

在泉為苦化

卯酉之歲火司地

不司氣化

君不主運新校正云按

氣故物以苦主

相火以位謂君

居氣為灼化

六十日餘八十七刻半也

火不主運也

之也

新校正云詳少陰不曰間氣而云居氣者蓋尊

君火無所不居不當問之也王注云居本位為居不當

問之則居他位不為居而可問也寅申之歲為初之氣

丑未之歲為二之氣已亥之歲為四之氣辰戌之歲為

五之太陰司天為濕化

丑未之歲埃鬱昧
雲雨潤濕之化也

在泉為甘

化辰戌之歲也土司地氣故甘化先焉

司氣為齡化

土運之氣甲己之歲齡黃也

間氣

為柔化

濕化行則庶物柔矣
之歲為初之氣寅申之歲為二之氣子午之歲

新校正云詳太陰卯酉
寅申之歲也炎光赫

為四之氣己亥
之歲為五之氣

少陽司天為火化

寅申之歲也炎光赫
烈燔灼焦然火之化

也在泉為苦化

己亥之歲也火司地氣故苦化先焉

司氣為丹化

火運之
氣戊癸

歲間氣為明化

明炳明也亦謂霞曉
陽辰戌之歲為初之氣卯酉之歲為二

新校正云詳少
陽辰戌之歲為初之氣卯酉之歲為二

之氣寅申之歲為四之氣
氣丑未之歲為五之氣

陽明司天為燥化

卯酉之歲清
切高明霧露

蕭瑟燥
之化也在泉為辛化

子午之歲也金司地氣故辛化先焉

司氣為素化

金
運

之氣也間氣為清化

風生高勁草木清冷清之化也
新枝正云詳陽明己亥之歲為初

庚歲也間氣為清化
之氣辰戌之歲為二之氣寅申之

太陽司天為寒化

辰戌

歲為四之氣丑未之歲為五之氣
之歲辰戌之歲為二之氣寅申之

在泉為鹹化

丑未之歲水司氣為
地氣故化從鹹

玄化

水運之氣
丙辛歲也

間氣為藏化

陰凝而冷無物故容歲之
化也新枝正云詳子午

之歲太陽為初之氣己亥之歲為二之氣卯
酉之歲為四之氣寅申之歲為五之氣也

故治病者

必明六化分治五味五色所生五臟所宜適可以言盈

虛病生之緒也

學不厭
備習也

帝曰厥陰在泉而酸化先余知

之矣風化之行也何如岐伯曰風行於地所謂本也餘

氣同法

厥陰在泉風行於地少陰在泉熱行於地太陰

燥行於地太陽在泉寒行於地故曰

餘氣同法也本謂六氣之上元氣也

本乎天者天之氣

也本乎地者地之氣也

地氣化於天者為天氣化於地者為地氣新校正云按易曰本乎

天者親上本乎地者親下此之謂也

天地合氣六節分而萬物化生矣

萬物

居天地之間悉為六氣所生化陰陽之用未嘗有逃生化出陰陽也

故曰謹候氣宜無失

病機此之謂也

病機下文具矣

帝曰其主病何如

言采藥之歲也

岐伯

曰司歲備物則無遺主矣

謹候司天地所生化者則其味正當其歲也故彼藥工專

司歲氣所收藥物則一歲二歲其所主用無遺略也

帝曰先歲物何也

岐伯曰天地之專精也

專精之氣藥物肥膿又於使用當其正氣味也新校正云詳

先歲疑作司歲

帝曰司氣者何如

司運氣也

岐伯曰司氣者主歲同

然有餘不足也

五運主歲者有餘不足比之歲物恐有薄有餘之歲藥專精也

帝曰非

司歲物何謂也岐伯曰散也

非專精則散氣散氣則物不純也

故質同

而異等也

形質雖同力用則異故不尚之

氣味有薄厚性用有躁靜治

保有多少力化有淺深此之謂也

物與歲不同者何以此爾

帝曰歲

主藏害何謂岐伯曰以所不勝命之則其要也

木不勝金金不

勝火之類是也

帝曰治之奈何岐伯曰上淫於下所勝平之外

淫於內所勝治之

淫謂行所不勝己者也上淫於下天之氣也外淫於內地之氣也隨所制

勝而以平治之也制勝謂五味寒熱溫涼隨勝用之下文備矣

新校正云詳天氣生歲雖有淫勝但當平調

之故不曰治而曰平也

帝曰善平氣何如

平謂診平和之氣

岐伯曰謹察

陰陽所在而調之以平為期正者正治反者反治

知陰陽所

在則知尺寸應與不應不知陰陽所在則以得為失以逆為從故謹察之也陰病陽不病陽病陰不病是為正病則正治之謂以寒治熱以熱治寒也陰位已見陽脈陽位又見陰脈是謂反病則反治之謂以寒治寒以熱治熱也諸方之制咸悉不然故曰反者反治也

帝曰夫子言察陰陽所在而調

之論言人迎與寸口相應若引繩小大齊等命曰平

新校

正云詳論言至曰平本靈樞經之文今出甲乙經云寸口主中人迎主外兩者相應俱往俱來若引繩小大齊等春夏人迎微大秋冬寸口微大者故名曰平也陰之所在寸口何如陰之所不應引繩齊等其候岐伯曰視歲南北可知之矣帝曰頗重故問以明之

願卒聞之岐伯曰北政之歲少陰在泉則寸口不應

木火

金水運面北受氣凡氣之在泉者脈才不見唯其左右之氣脈可見之在泉之氣善則不見惡者可見病以氣及客主淫勝名之在厥陰在泉則右不應

少陰在右故

太陰

在泉則左不應

少陰在左故

南政之歲少陰司天則寸口不

應

土運之歲面南行令故少陰司天則二手寸口不應也

厥陰司天則右不應太

陰司天則左不應

亦左右義也

諸不應者反其診則見矣

不應

皆為脈沈脈沈下者仰手而沈
覆其手則沈為浮細為大也

帝曰尺候何如岐伯曰

北政之歲三陰在下則寸不應三陰在上則尺不應

司天

曰上在泉曰下

南政之歲三陰在天則寸不應三陰在泉則尺

不應左右同

天不應寸左右悉與寸不應義同

故曰知其要者一言而

終不知其要流散無窮此之謂也

要謂知陰陽所在也知則用之不惑不知

則尺寸之氣沈浮小大常三歲一差欲求其意猶遠樹
問枝雖白首區區尚未知所詣況其旬月而可知乎

帝曰善天地之氣內淫而病何如岐伯曰歲厥陰在泉

風淫所勝則地氣不明平野昧草迺早秀民病灑灑振
寒善伸數欠心痛支滿兩脇裏急飲食不下噎咽不通
食則嘔腹脹善噫得後與氣則快然如衰身體皆重

謂甲

寅丙寅戊寅庚寅壬寅甲申丙申戊申庚申壬申歲也
氣不明謂天圓之脈氣色昏暗風行地上故平野皆然
昧謂暗也脇謂兩乳之下及肱外也伸謂以欲伸努筋
骨也新校正云按甲乙經灑灑振寒善伸數欠為胃
病食則嘔腹脹善噫得後與氣則快然如衰身體皆重
為脾病飲食不下噎咽不通邪在胃脘也蓋厥陰在泉
之歲木王而剋脾胃故病如是又按脈解云所謂食則
嘔者物盛滿而上溢故嘔也所謂得後與氣則快然如
衰者十二月陰氣下衰而陽氣且歲少陰在泉熱淫所
出故曰得後與氣則快然如衰也

勝則焰浮川澤陰處反明民病腹中常鳴氣上衝胸喘不能久立寒熱皮膚痛目瞑齒痛頰腫惡寒發熱如瘧

少腹中痛腹大蟄蟲不藏

謂乙卯丁卯己卯辛卯癸卯乙酉丁酉己酉辛酉癸酉歲

也陰處北方也不能久立足無力也腹大謂心氣不足也金火相薄而為是也

新校正云按甲乙經齒痛頰

腫為大腸病腹中雷鳴氣當衝胸喘不能久立邪歲太在大腸也蓋少陰在泉之歲火剋金故大腸病也

陰在泉草乃早榮

新校正云詳此四字疑衍

濕淫所勝則埃昏巖谷

黃反見黑至陰之交民病飲積心痛耳聾渾渾惇惇噤腫喉痺陰病血見少腹痛腫不得小便病衝頭痛目似

腕項似拔腰似折髀不可以回腦如結腦如別

謂甲辰丙辰戊

辰庚辰壬辰甲戌丙戌戊戌庚戌壬戌歲也太陰為土色見應黃於天中而反見於北方黑處也水土同見故曰至陰之交合其氣色也街頭痛謂腦後眉間痛也腦謂膝後曲脚之中也腦斷後軟肉處也新校正云按甲乙經耳聾渾渾痺痺噤噤喉痺為三焦病為病銜頭痛目似腕項似拔腰似折髀不可以回腦如結腦如列為膀胱足太陽病又少腹腫痛不得小便邪在三焦蓋太陰在泉之歲土正剋太陽故病如是也

歲少

陽在泉火淫所勝則焰明郊野寒熱更至民病注泄赤

白少腹痛溺赤甚則血便少陰同候

謂乙巳丁巳巳巳辛巳癸巳乙亥丁

亥巳亥辛亥癸亥歲也處寒之時熱更其氣熱氣既往寒氣後來故云更至也餘候與少陰在泉正同

歲

陽明在泉燥淫所勝則霧霧清暝民病喜嘔嘔有苦善

太息心脇痛不能反側甚則盪乾面塵身無膏澤足外

反熱

謂甲子丙子戊子庚子壬子甲午丙午戊午庚午壬午歲也霧霧謂霧暗不分似霧也清薄寒也言

霧起霧暗不辨物形而薄寒也心脇痛謂心之傍脇中

痛也面塵謂面上如有觸屑塵土之色也新校正云

按甲乙經病喜嘔嘔有苦善太息心脇痛不能反側甚

則面塵身無膏澤足外反熱為膽病盪乾面塵為肝病

蓋陽明在泉之歲金王剋木故病如是又按脈解云少

陽所謂心脇痛者言少陽盛也盛者心之所表也九月

陽氣盡而陰氣盛故心脇痛所謂不可反側也歲太陽在

者陰氣藏物也物藏則不動故不可反側也

泉寒淫所勝則凝肅慘慄民病少腹控臑引腰脊上衝

心痛血見噎痛領腫

謂乙丑丁丑己丑辛丑癸丑乙未丁未己未辛未癸未歲也凝肅謂

寒氣霜空凝而不動萬物靜肅其儀形也慘慄寒甚也

控引也舉陰丸也領頰車前牙之下也新校正云按

甲乙經噎痛領腫為小腸病又少腹控舉引腰脊上衝

心肺邪在小腸也蓋太陽在泉之歲水剋火故病如是

帝曰善治之奈何岐伯曰諸氣在泉風淫於內治以辛

涼佐以苦甘以甘緩之以辛散之

風性喜溫而惡清故治之涼是以勝氣治之也

佐以苦隨其所利也木苦急則以甘緩之苦抑則以辛

散之藏氣法時論曰肝苦急急食甘以緩之肝欲散急

食辛以散之此之謂也食亦音飼己曰食他曰飼也大

法正味如此諸為方者不必盡用之但一佐二佐病已

則止餘熱淫於內治以鹹寒佐以甘苦以酸收之以苦

氣皆然

發之

熱性惡寒故治以寒也熱之大盛甚於表者以苦

之甚者再方微者一方可使濕淫於內治以苦熱佐以

酸淡以苦燥之以淡泄之

濕與燥反故治以苦熱佐以

濕也淡利竅故以淡滲泄也藏氣法時論曰脾苦濕急

食苦以燥之靈樞經曰淡利竅也生氣通天論曰味過

於苦脾氣不濡胃氣乃厚明苦燥也新校正火淫於

云按天元正紀大論曰下太陰其化下甘溫

內治以鹹冷佐以苦辛以酸收之以苦發之

火氣大行

之所生也鹹性柔夷故以治之以酸收之大法候其須

汗者以辛佐之不必要資苦味令其汗也欲柔夷者以

鹹治之藏氣法時論曰心欲夷急食鹹燥淫於內治以

以夷之心苦緩急食酸以收之此之謂也

苦溫佐以甘辛以苦下之

溫利涼性故以苦治之下謂利之使不得也新校正云

按藏氣法時論曰肺苦氣上逆急食苦以泄之用辛寫之酸補之又按下文司天燥淫所勝佐以酸辛比云甘辛者甘字疑當作酸天元正紀大論云下酸熱與苦溫之治又異又云以酸收之而安其下甚則以苦泄之也

寒淫於內治以甘熱佐以苦辛以鹹寫之以辛潤之以

苦堅之

以熱治寒是為摧勝折其氣用令不滋繁也苦辛之佐通事行之新校正云按藏氣法時論

曰腎苦燥急食辛以潤之腎欲堅急食苦以堅之用苦補之鹹瀉之舊注引此在溫淫於內之下無義今移於

此帝曰善天氣之變何如岐伯曰厥陰司天風淫所勝

則太虛埃昏雲物以擾寒生春氣流水不冰民病胃脘

當心而痛上支兩脇膈咽不通飲食不下舌本強食則

嘔冷泄腹脹澹泄寢水閉蟄蟲不去病本於脾

謂乙巳巳

已辛巳癸巳乙亥丁亥巳亥辛亥癸亥歲也是歲民病
集於中也風自天行故太虛埃起風動飄蕩故雲物擾
也埃青塵也不分遠物是為埃昏土之為病其苦泄利
若病水則小便閉而不下若大泄利則經水亦多閉絕
也新校正云按甲乙經舌本強食則嘔腹脹澹泄寢
水閉為脾病又胃病者腹脾脹胃脘當心而痛上支兩
脇膈咽不通食飲不下蓋厥陰衝陽絕死不治衝陽在
司天之歲木勝土故病如是也
動脈應手胃之氣也衝陽脈微則食飲減少絕則藥食
不入亦下溢還出也攻之不入養之不生邪氣日強真
氣內絕故其必
少陰司天熱淫所勝怫熱至火行其政

死不可復也

民病胸中煩熱噤乾右肱滿皮膚痛寒熱欬喘大雨且
至唾血血泄孰衄嘔溺色變甚則瘡瘍肘腫肩背臂
臑及缺盆中痛心肺膈腹大滿膨膨而喘欬病本於
肺謂甲子丙子戊子庚子壬子甲午丙午戊午庚午壬午歲也佛熱至是火行其政乃爾是歲民病集於右
蓋以小腸通心故也病自肺生故曰病本於肺也新校正云按甲乙經溺色變肩背臂臑及缺盆中痛肺脹
滿膨膨而喘欬為肺病孰衄為大腸病蓋少陰司天之
歲火剋金故病如是又王注民病集於右以小腸通心
故按甲乙經小腸附脊左環回腸附脊右尺澤絕死不
環所說不應得非火勝剋金而大腸病欬尺澤絕死不
治尺澤在肘內廉大文中動脈應手肺之氣也火熾於金承火之命金氣內竭故必危亡尺澤不至肺氣已

絕榮衛之氣宣行無主
真氣內竭生之何有哉

太陰司天濕淫所勝則沈陰旦布

雨變枯槁肘腫骨痛陰痺陰痺者按之不得腰脊頭項

痛時眩大便難陰氣不用饑不欲食欬唾則有血心如

懸病本于腎

謂乙丑丁丑己丑辛丑癸丑乙未丁未己未辛未癸未歲也沈久也腎氣受邪水無

能治下焦枯涸故大便難也

新校正云按甲乙經饑

不用食欬唾則有血心懸如饑狀為腎病又邪在腎則

骨痛陰痺陰痺者按之而不得腹脹腰痛大便難肩背

頸項強痛時眩蓋太陰司天之歲土剋水故病如是矣

太谿絕死不治

太谿在足內踝後跟骨上動脈應手腎之氣也土邪勝水而腎氣內絕邪甚正

微故方無所用矣

少陽司天火淫所勝則溫氣流行金政不平

民病頭痛發熱惡寒而瘧熱上皮膚痛色變黃赤傳而為水身面肘腫腹滿仰息泄注赤白瘡瘍欬唾血煩心

胸中熱甚則衄血病本於肺

謂甲寅丙寅戊寅庚寅壬寅甲申丙申戊申庚申壬

申歲也火來用事則金氣受邪故曰金政不平也火炎於上金肺受邪客熱內燔水無能救故化生諸病也制火之客則已矣新校正云按甲乙經邪在肺則皮天

膚痛發寒熱蓋少陽司天之歲火剋金故病如是也天

府絕死不治

天府在肘後內側上掖下同身寸之三寸動脈應手肺之氣也火勝而金脈絕故死

陽明司天燥淫所勝則木迺晚榮草迺晚生筋骨內變

民病左胠脇痛寒清於中感而瘧大涼草候欬腹中鳴

注泄驚澹名木歛生苑於下草焦上首心脇暴痛不可

反側噎乾面塵腰痛丈夫癩疝婦人少腹痛目昧皆瘍

瘡瘰癧蟄蟲來見病本於肝

謂乙卯丁卯己卯辛卯癸卯乙酉丁酉己酉辛酉癸

酉歲也金勝故草木晚生榮也配於人身則筋骨內應而不用也大涼之氣變易時候則人寒消發於中內感

寒氣則為痠瘰也大腸居右肺氣通之今肺氣內淫肝

居於左故左脇脇痛如刺割也其歲民自注泄則無淫

勝之疾也大涼次寒也大涼且甚陽氣不行故木容收

斂草榮悉晚生氣已升陽不布令故閉積生氣而積於

下也在人之應則少腹之內痛氣居之發疾於仲夏瘡

瘍之疾猶及秋中瘡瘰之類生於上癰腫之患生於下

瘡色雖赤中心正白物氣之常也新校正云按甲乙

經腰痛不可以俛仰丈夫癩疝婦人少腹痛甚則噎乾

面塵為肝病又胸滿洞泄為肝病又心脇痛不能反側
目銳眦痛缺盆中腫痛挾下腫馬刀挾瘰癧汗出振寒瘧
為膽病蓋陽明司天之歲金剋木故病如是又按脈解
云厥陰所謂癰疽婦人少腹腫者厥陰者辰也三月陽
中之陰邪在中故太衝絕死不治太衝在足大指本節後二寸脈動應手肝
之氣也金來伐木肝氣內
絕真不勝邪死其宜也 太陽司天寒淫所勝則寒氣

反至水且冰血變於中發為癰瘍民病厥心痛嘔血血

泄鼃衄善悲時暍仆運火炎烈雨暴迺電胸腹滿手熱

肘攣掖腫心澹澹大動胸脇胃脘不安面赤目黃善噫

嗌乾甚則色炁渴而欲飲病本於心

謂甲辰丙辰戊辰庚辰壬辰甲戌丙戌戊

戊庚戌壬戌歲也太陽司天寒氣布化故水且水而血
凝皮膚之間衝氣結聚故為癰也若乘火運而火熱炎
烈與水交戰故暴雨半珠形雹也心氣為噫故善噫是
歲民病集於心脇之中也陽氣內鬱濕氣下蒸故心厭
痛而嘔血血泄飢飢面赤目黃善噫手熱肘掌腫嗌
乾甚則寒氣勝陽水行凌火火氣內鬱故渴而欲飲也
病始心生為陰凌犯故云病本於心也新校正云按
甲乙經手熱肘掌腫甚則胸脇支滿心澹澹大動面
赤目黃為手心主病又邪在心則病心痛善悲神門絕
時旺什蓋太陽司天之歲水剋火故病如是
死不治也神門在手之掌後銳骨之端動脈應手真心氣
也水行乘火而心氣內結神氣已亡不死何待
善知其診所謂動氣知其藏也所以診視而知死者何
故不治也
知神藏之帝曰善治之奈何謂可攻
存亡爾岐伯曰司天之氣

風淫所勝平以辛涼佐以苦甘以甘緩之以酸寫之

陰厥

之氣未為盛熱故曰涼藥平之夫氣之用也積涼為寒
積溫為熱以熱少之其則溫也以寒少之其則涼也以
溫多之其則熱也以涼多之其則寒也各當其分則寒
寒也溫溫也熱熱也涼涼也方書之用可不務乎故寒
熱溫涼升降多少善為方者意必精通餘氣皆然從甘
制也新校正云按本論上文云上淫於下所勝平之
外淫於內所勝治之故熱淫所勝平以鹹寒佐以苦甘
在泉曰治司天曰平也熱淫所勝平以鹹寒佐以苦甘
以酸收之熱氣已退時發動者是為心虛氣散不斂以
酸收之雖以酸收亦兼寒助乃能殄除其源
本矣熱見太甚則以苦發之汗已便涼是邪氣盡勿寒
助之汗已猶熱是邪氣未盡則以酸收之已又熱則復
汗之已汗復熱是藏虛也則補其心可矣法則合兩諸
治熱者亦未必得再三發三治況四變而反覆者乎

濕淫所勝平以苦熱佐以酸辛以苦燥之以淡泄之

濕氣

所淫皆為腫滿但除其濕腫滿自衰因濕生病不腫不滿者亦兩治之濕氣在上以苦吐之濕氣在下以苦泄之以淡滲之則皆燥也泄謂滲泄以利水道下小便為法然酸雖熱亦用利小便去伏水也治濕之病不下小便非其法也
新校正云按濕淫於內濕上甚而熱治佐以酸淡此云酸辛者辛疑當作淡
以苦溫佐以甘辛以汗為故而止
身半以上濕氣餘火氣復鬱鬱濕相薄則
以苦溫甘辛之藥解表流汗而祛
之故云以汗為除病之故而己也
火淫所勝平以酸冷
佐以苦甘以酸收之以苦發之以酸復之熱淫同
同熱淫義
熱亦如此法以酸復其本氣也
燥淫所勝平以苦濕佐
不復其氣則淫氣空虛招其損

以酸辛以苦下之

也制燥之勝必以苦濕是以火之氣味也宜下必以苦宜補必以酸宜瀉必

以辛清甚生寒留而不去則以苦濕下之氣有餘則以

辛瀉之諸氣同新校正云按上文燥淫于內治以苦

溫此云苦濕者溫當為溫文注中溫字三並當作溫又按天元正紀大論亦作苦小溫

寒淫所勝

平以辛熱佐以甘苦以鹹寫之

淫散止之不可過也新校正云按上文寒淫

於內治以甘熱佐以苦辛此云平以辛熱佐以甘苦者

此文為誤又按天元正紀大論云太陽之政歲宜苦以

燥之帝曰善邪氣反勝治之奈何不能淫勝於他氣反

也為不勝之氣為邪以

勝之岐伯曰風司於地清反勝之治以酸溫佐以苦甘以

辛平之

厥陰在泉則風司於地謂五寅歲五申歲邪氣勝盛故先以酸瀉佐以苦甘邪氣退則正氣虛

故以辛補熱司於地寒反勝之治以甘熱佐以苦辛以

鹹平之

少陰在泉則熱司於地謂五卯五酉歲也先瀉其邪而後平其正氣也濕司於地

熱反勝之治以苦冷佐以鹹甘以苦平之

太陰在泉則濕司於地謂

五辰五戌歲也補瀉之義餘氣皆同

火司於地寒反勝之治以甘熱佐以

苦辛以鹹平之

少陽在泉則火司於地謂五巳五亥歲也燥司於地熱反勝

之治以平寒佐以苦甘以酸平之以和為利

陽明在泉則燥司於

地謂五子五午歲也燥之性惡熱亦畏寒故以冷熱和平為方制也

寒司於地熱反勝之

治以鹹冷佐以甘辛以苦平之

太陽在泉則寒司於地謂五丑五未歲也此六

氣方治與前淫勝法殊賁云治者寫客邪之勝氣也帝云佐者皆所利所宜也云平者補己弱之正氣也

曰其司天邪勝何如岐伯曰風化於天清反勝之治以

酸溫佐以甘苦

亥巳歲也

熱化於天寒反勝之治以甘溫佐

以苦酸辛

子午歲也

濕化於天熱反勝之治以苦寒佐以苦

酸

丑未歲也

火化於天寒反勝之治以甘熱佐以苦辛

寅申歲也

燥化於天熱反勝之治以辛寒佐以苦甘

卯酉歲也

寒化於

天熱反勝之治以鹹冷佐以苦辛

辰戌歲也

帝曰六氣相勝

奈何

先舉其用為勝

岐伯曰厥陰之勝耳鳴頭眩憤憤欲吐胃

高如寒大風數舉保蟲不滋脘脇氣并化而為熱小便

黃赤胃脘當心而痛上支兩脇腸鳴飧泄少腹痛注下

赤白甚則嘔吐噦咽不通

五已五亥歲也心下膈上胃之分胃高謂胃脘之上及大

高之下風寒氣生也氣并謂偏著一邊高咽謂食飲入而復出也新校正云按甲乙經胃病者胃脘當心而

痛上支兩脇少陰之勝心下熱善饑臍下反動氣遊三

焦炎暑至木迺津草迺萎嘔逆躁煩腹滿痛澹泄傳為

赤沃

五子五年歲也沃沫也

太陰之勝火氣內鬱瘡瘍於中流散

於外病在脘脇甚則心痛熱格頭痛喉痺項強獨勝則

濕氣內鬱寒迫下焦痛留頂互引眉間胃滿雨數至燥

化迺見少腹滿腰膝重強內不便善注泄足下溫頭重

足脛胫腫飲發於中胫腫於上

五丑五未歲也濕勝於上則火氣內鬱勝於中

則寒迫下焦水溢河渠則鱗蟲離水也

便謂腰重內強直屈伸不利也獨勝謂不兼鬱火也

腫於上謂首面也足脛腫是火鬱所生也

詳注云水溢河渠則鱗蟲離水也王作此注於經文無

所解又按太陰之復云大雨時行鱗見於陸則此文於

雨數至下脫少鱗見於陸四字不然則王注無因為解

也少陽之勝熱客於胃煩心心痛目赤欲嘔嘔酸善饑

耳痛溺赤善驚譫妄暴熱消燂草萎水涸介蟲迺屈少

腹痛下沃赤白

五寅五申歲也熱暴甚故草萎水涸陰氣消燔介蟲金化也火氣大勝故介蟲

屈伏酸醋水也

陽明之勝清發於中左脇痛澹泄內為噎塞

外發癰疽大涼肅殺華英改容毛蟲迺殃胸中不便噎

塞而欬

五卯五酉歲也大涼肅殺金氣勝木故草木華英為殺氣損削改易形容而焦其上首也毛蟲

木化氣不宜金故金政大行而毛蟲死耗也肝木之氣下主於陰故大涼行而癰疽發也胸中不便謂呼吸回轉或痛或緩急而不利便也氣大盛故噎塞而太陽之

欬也噎謂喉之下接連胸中肺兩葉之間者也

勝凝凜且至非時水冰羽迺後化痔瘡發寒厥入胃則

內生心痛陰中迺瘍隱曲不利互引陰股筋肉拘苛血

脈凝泣絡滿色變或為血泄皮膚否腫腹滿食減熱反

上行頭項凶頂腦戶中痛目如脫寒入下焦傳為濡寫

五辰五戌歲也寒氣凌逼陽不勝之故非寒時而止水結也水氣大勝陽火不行故諸羽蟲生化而後也拘急也苛重也絡絡脈也太陽之氣標在於巔故熱反上行於頭也以其脈起於目內眥上額交巔上入絡腦還出別下項故凶頂及腦戶中痛目如欲脫也濡謂水利也新校正云按甲乙經痔瘡頭項凶頂腦戶中痛目如脫為太陽經病

帝曰治之奈何岐伯曰厥陰之勝治以甘清

佐以苦辛以酸寫之少陰之勝治以辛寒佐以苦鹹以甘寫之太陰之勝治以鹹熱佐以辛甘以苦寫之少陽

之勝治以辛寒佐以甘鹹以甘寫之陽明之勝治以酸

溫佐以辛甘以苦寫之太陽之勝治以甘熱佐以辛酸

以鹹寫之

六勝之至皆先歸其不勝己者之故不勝者當先瀉之以通其道次瀉所吐之氣令其退

釋也治諸勝而不瀉遺之則勝氣浸盛而內生諸病也

新校正云詳此為治皆先瀉其不勝而後瀉其來勝

獨太陽之勝治以甘熱為異疑甘字苦之誤帝曰六氣

也若云治以苦熱則六勝之治皆一貫也

之復何如

復謂報復報其勝也凡先不勝後必有復新校正云按玄珠云六氣分正化對化厥陰

正司於亥對化於丑少陰正司於午對化於子太陰正

司於未對化於丑少陽正司於寅對化於申陽明正司

於酉對化於卯太陽正司於戌對化於辰正司化令之

實對司化令之虛對化勝而有復正化勝而不復此注

云凡先有勝後岐伯曰悉乎哉問也厥陰之復少腹堅必有復似未然

滿裏急暴痛偃木飛沙倮蟲不榮厥心痛汗發嘔吐飲

食不入入而復出筋骨掉眩清厥甚則入脾食痺而吐

裏腹脇之內也木偃沙飛風之大也風為木勝故土不

榮氣厥謂氣衝胸脇而凌及心也胃受逆氣而上攻心

痛也痛甚則汗發泄掉謂肉中動也清厥手足冷也食

痺謂食已心下痛陰陰然不可名也不可忍也吐出乃

止此為胃氣逆而不下流也食飲不衝陽絕死不治

入入而復出肝乘脾胃故令爾也衝陽

胃脈也少陰之復燠熱內作煩躁欬嚏少腹絞痛火見燔

炳熇燥分注時止氣動於左上行於右欬皮膚痛暴痞

心痛鬱胃不知人迺灑淅惡寒振慄譫妄寒已而熱渴而欲飲少氣骨痠隔腸不便外為浮腫噦噫赤氣後化流水不冰熱氣大行介蟲不復病癰胗瘡瘍癰疽瘰癧

甚則入肺欬而鼻淵

大熱之氣自小腸從臍下之左入大腸上行至左脇甚則上行於右

而人肺故動於左上行於右皮膚痛也分注謂大小俱下也骨痠言骨弱而無力也隔腸謂腸如隔絕而不便也瀉也寒熱甚則然陽明先勝故赤氣後化流水不冰少陰之本司於地也在人之應則冬脈不鼓若高山窮谷已是至高之處水亦當水平下川流則如經矣火氣內蒸金氣外拒陽熱內鬱故為癰胗瘡瘍胗甚亦為瘡也熱少則外生癰胗熱多則內結癰疽小腸有熱則中外為痔其復熱之變皆病於身後及外側也瘡瘍癰胗

生於上癰疽瘰癧生於下反其處者皆為逆也

天府絕死不治

天府肺脈氣也
新校正云按

上文少陰司天熱淫所勝

尺澤絕死不治

少陽司天火

淫所勝天府絕死不治

此云少陰之復

天府絕死不治

下文少陽之復尺澤絕死

不治文如相反者

蓋太陰之

尺澤天府俱手太陰脈之

所發動故此互文也

太陰之

復濕變迺舉體重中滿食飲不化陰氣上厥胸中不便

飲發於中欬喘有聲大雨時行鱗見於陸頭頂痛重而

掉癰尤甚嘔而密默唾吐清液甚則入腎竅寫無度

氣濕

內逆寒氣不行太陽上流故為是病頭頂痛重則腦中

掉癰尤甚腸胃寒濕熱無所行重灼胸府故胸中不便

食飲不化嘔而密默欲靜定也喉中惡冷故唾吐冷水

也寒氣易位上入肺喉則息道不利故欬喘而喉中有

聲也水居平澤則魚遊於市頭頂白痛女人亦兼痛於眉間也

新校正云

按上文太陰在泉頭痛頂似拔又

太陰司天云頭項痛此云頭頂痛頂疑當作項

太谿絕死不治

太谿腎脈氣也

少陽之

復大熱將至枯燥燔蕪介蟲迺耗驚癰欬衄心熱煩躁

便數憎風厥氣上行面如浮埃目乃瞶癰火氣內發上

為口糜嘔逆血溢血泄發而為瘡惡寒鼓慄寒極反熱

嗌絡焦槁渴引水漿色變黃赤少氣脈萎化而為水傳

為肘腫甚則入肺欬而血泄

大氣專暴枯燥草木燔灼自生故燔蕪也蕪音燭火

內熾故驚癰欬衄心熱煩躁便數憎風也火炎於上則庶物失色故如塵埃浮於面而目瞶動也火燔於內則

口舌糜爛嘔逆及為血溢血泄風火相薄則為溫瘧氣
蒸熱化則為水病傳為附腫附謂皮肉俱腫按之陷下
泥而不起也如是之尺澤絕死不治尺澤肺脈氣也陽明之復
證皆火氣所生也

清氣大舉森木蒼乾毛蟲迺厲病生肱脇氣歸於左善

太息甚則心痛否滿腹脹而泄嘔苦欬噦煩心病在鬲

中頭痛甚則入肝驚駭筋攣

殺氣大舉木不勝之故蒼青之葉不及黃而乾燥也

屬謂疢屬疾疫死也清甚於內熱鬱於外故也

太衝絕死不治

太衝肝脈氣也

太陽之

復厥氣上行水凝雨水羽蟲迺死心胃生寒胸膈不利

心痛否滿頭痛善悲時眩仆食減腰膂反痛屈伸不便

地裂冰堅陽光不治少腹控臑引腰脊上衝心唾出清

水及為噦噫甚則入心善忘善悲

雨冰謂雹也寒而遇雹死亦其宜寒化於

地其上復土故地體分裂水積冰堅久而不釋是陽光

之氣不治寒凝之物也太陽之復與不相持上濕下寒

火無所往心氣內鬱熱由是生火熱內燔故生斯神門

病新校正云詳注云與不相持不字疑作土神門

絕死不治神門真氣帝曰善治之奈何

復氣倍勝故岐伯先問以治之岐伯

曰厥陰之復治以酸寒佐以甘辛以酸瀉之以甘緩之

不太緩之夏猶不已復重於勝故治以酸寒也少陰之

新校正云按副本治以酸寒作治以辛寒也少陰之

復治以鹹寒佐以苦辛以甘寫之以酸收之辛苦發之

以鹹熨之

不大發汗以寒攻之持至仲秋熱內伏結而為心熱少氣少力而不能起矣熱伏不散歸

於骨矣

太陰之復治以苦熱佐以酸辛以苦寫之燥之泄

之

不燥泄之久而為身腫腹滿關節不利膈及伏免佛滿內作膝腰脰內側肘腫病

少陽之復

治以鹹冷佐以苦辛以鹹熨之以酸收之辛苦發之發

不遠熱無犯溫涼少陰同法

不發汗以奪盛陽則熱內淫於四肢而為解體不可

名也謂熱不甚謂寒不甚謂強不甚謂弱不甚不可以

名言故謂之解體粗醫呼為鬼氣惡病也久久不已則

骨熱髓涸齒乾乃為骨熱病也發汗奪陽故無留熱故

發汗者雖熱生病夏月及差亦用熱藥以發之當春秋

時縱火熱勝亦不得以熱藥發汗汗不發而藥熱內甚

助病為虐逆伐神靈故曰無犯溫涼少陰氣熱為瘵則

同故云與少陰同法也數奪其汗則津竭涸故以酸收
以鹹潤也新校正云按天元正紀大論云發表不速

熱陽明之復治以辛溫佐以苦甘以苦泄之以苦下之

以酸補之

泄謂滲泄汗及小便湯浴皆是也秋分前後則亦發之春有勝則依勝法或不已亦滲泄

和其中外也怒復之後其氣皆虛

故補之以安全其氣餘復治同太陽之復治以鹹熱

佐以甘辛以苦堅之

不堅則寒氣內變止而復發發而復止綿歷年歲生大寒疾

治

諸勝復寒者熱之熱者寒之溫者清之清者溫之散者

收之抑者散之燥者潤之急者緩之堅者與之脆者堅

之衰者補之強者寫之各安其氣必清必靜則病氣衰

去歸其所宗此治之大體也

太陽氣寒少陰少陽氣熱厥陰氣溫陽明氣清太陰

氣濕有勝復則各倍其氣以調之故可使平也宗屬也調不失理則餘之氣自歸其所屬少之氣自安其所居勝復衰已則各補養而平定之必清必靜無妄撓之則六氣循環五神安泰若運氣之寒熱治之平之亦各歸司天地氣也帝曰善氣之上下何謂也岐伯曰身半以上其

氣三矣天之分也天氣主之身半以下其氣三矣地之分也地氣主之以名命氣以氣命處而言其病半所謂

天樞也

身之半正謂臍中也或以腰為身半是以居中為義過天中也中原之人悉如此矣當伸臂指

天舒足指地以繩量之中正當臍也故又曰半所謂天樞也天樞正當臍兩傍同身寸之二寸也其氣三者假

如少陰司天則上有熱中有太陽兼之三也六氣皆然
司天者其氣三司地者其氣三故身半以上三氣身半
以下三氣也以名言其氣以氣言其處以氣處寒熱而
言其病之形證也則如足厥陰氣居足及股脛之內側
上行於少腹循脇足陽明氣在足之上脘之外股之前
上行腹臍之傍循胸乳上面上足太陽氣起於目上額絡
頭下項背過腰橫過髀樞股後下行入臍貫脛出外踝
之後足小指外側足太陰氣循足及股脛之內側上行
腹脇之前足少陰同之足少陽氣循髀外側上行腹脇
之側循頸耳至目眇皆在首之側此足六氣之部主也
手厥陰少陰太陰氣從心胸橫出循臂內側至中指小
指大指之端手陽明少陽太陽氣並起手表循臂外側
上肩及肘上頭此手六氣之部主也欲知病診當隨氣
所在以言之當陰之分冷病歸之當陽之分熱病歸之
故勝復之作先言病生寒熱者必依此物理也新校
正云按六微旨大論云天樞之上天氣主之天樞之下

地氣主之氣交之
分人氣從之也

故上勝而下俱病者以地名之下勝

而上俱病者以天名之

而彼氣既勝此未能復抑鬱不暢而無所行進則困於警嫌退則

窮於怫塞故上勝至則下與俱病下勝至則上與俱病

上勝下病地氣鬱也故從地鬱以名地病下勝上病天

氣塞也故從天塞以名天病夫以天名者方順天氣為

制逆地氣而攻之以地名者方從天氣為制則可假如

陽明司天少陰在泉上勝而下俱病者是怫於下而生

也天氣正勝天可逆之故順天之氣方同清也少陰等

司天上下勝同法新校正云按六元正紀大論云所

上勝則天氣降而下下勝則地氣遠而上此之謂也

謂勝至報氣屈伏而未發也復至則不以天地異名皆

如復氣為法也

勝至未復而病生以天地異名為式復氣以發則所生無間上勝下勝悉皆依

復氣為病寒熱之主也

帝曰勝復之動時有常乎氣有必乎岐伯

曰時有常位而氣無必也

雖位有常而發動有無不必定之也

帝曰願聞

其道也岐伯曰初氣終三氣天氣主之勝之常也四氣

盡終氣地氣主之復之常也有勝則復無勝則否帝曰

善復已而勝何如岐伯曰勝至則復無常數也衰迺止

耳

勝微則復微故復已而又勝勝甚則復甚故復已則少有再勝者也假有勝者亦隨微甚而復之爾然勝

復之道雖無常數至其衰謝則勝復皆自止也復已而勝不復則害此傷生也

有勝無復是復氣已衰衰不能復是天真之氣已傷敗甚而生意盡

帝曰復而反病何也

岐伯曰居非其位不相得也大復其勝則主勝之故反

病也

捨己官觀通於他邦己力已衰主不相得怨隨其後唯便是求故力極而復主反襲之反自病者也

所謂火燥熱也

少陽火也陽明燥也少陰熱也少陰少陽在泉為火居水位陽明司天為金居

火位金復其勝則火主勝之火復其勝則水主勝之餘氣勝復則無主勝之病氣也故又曰所謂火燥熱也

帝曰治之何如岐伯曰夫氣之勝也微者隨之甚者制

之氣之復也和者平之暴者奪之皆隨勝氣安其屈伏

無問其數以平為期此其道也

隨謂隨之安謂順勝氣以和之也制謂制止平

謂平調奪謂奪其盛氣也治此者不以數之多少但以氣平和為準度爾帝曰善客主之勝

復奈何

客謂天之六氣主謂五行之位也氣有宜否故各有勝復之者

岐伯曰客主之

氣勝而無復也

客主自有多少以其為勝與常勝殊

帝曰其逆從何如岐

伯曰主勝逆客勝從天之道也

客承天命部統其方主為之下固宜祇奉天命

不順而勝則天命不行故為逆也客勝於主承天而行理之道故為順也

帝曰其生病何如

岐伯曰厥陰司天客勝則耳鳴掉眩甚則欬主勝則胸

脇痛舌難以言

五已五少陰司天客勝則

欬嚏頸項強

肩背脊熱頭痛少氣發熱耳聾目瞑甚則肘腫血溢瘡

瘍欬喘主勝則心熱煩躁甚則脇痛肢滿

五子五午歲也

太陰

司天客勝則首面胛腫呼吸氣喘主勝則胸腹滿食已

而替

五丑五未歲也

少陽司天客勝則丹胗外發及為丹熛瘡

瘍嘔逆喉痺頭痛噤腫耳聾血溢內為癰瘕主勝則胸

滿欬仰息甚而有血手熱

五寅五申歲也

陽明司天清復內餘

則欬衄噤塞心胃中熱欬不止而白血出者死

復謂復舊居也

白血謂欬出淺紅色血似肉似肺者五卯五酉歲也

新校正云詳此不言客勝主勝者以金居火位無客勝

之理故不言也

太陽司天客勝則胸中不利出清涕感寒則欬

主勝則喉噤中鳴

五辰五戌歲也

厥陰在泉客勝則大關節不

利內為瘕強拘瘕外為不便主勝則筋骨繇併腰腹時

痛

五寅五申歲也大關節腰膝也

少陰在泉客勝則腰痛尻股膝髀腠

腧足病脊熱以酸肘腫不能久立溲便變主勝則厥氣

上行心痛發熱鬲中衆痺皆作發於肱脇魄汗不藏四

逆而起

五卯五酉歲也

太陰在泉客勝則足痿下重便溲不時

濕客下焦發而濡寫及為腫隱曲之疾主勝則寒氣逆

滿食飲不下甚則為疝

五辰五戌歲也隱曲之疾謂隱為委曲之處病也

少陽

在泉客勝則腰腹痛而反惡寒甚則下白溺白主勝則

熱反上行而客於心心痛發熱格中而嘔少陰同候

己五

五亥陽明在泉客勝則清氣動下少腹堅滿而數便寫

主勝則腰重腹痛少腹生寒下為鶩溏則寒厥於腸上

衝胸中甚則喘不能久立

五子五午歲也鶩鴨也言如鴨之後也

太陽在

泉寒復內餘則腰尻痛屈伸不利股脛足膝中痛

五丑五未

歲也新校正云詳此不言客主勝者蓋太陽以水居水位故不言也

帝曰善治之奈何

岐伯曰高者抑之下者舉之有餘折之不足補之佐以

所利和以所宜必安其主客適其寒溫同者逆之異者

從之

高者抑之制其勝也下者舉之濟其弱也有餘折之屈其銳也不足補之全其氣也雖制勝扶弱而

客主

須安一氣失所則矛盾更作榛棘互與各伺其便

不相

得志內淫外併而危敗之由作矣同謂寒熱溫涼

氣相

比和者異謂水火金木土不比和者氣相得者則

逆所

勝之氣以治之不相得者則順所不勝氣亦治之

治火

勝負欲益者以其味欲瀉者亦以其味勝與

不勝

皆折其氣也何者以其性躁動也治熱亦然帝曰

治寒以熱治熱以寒氣相得者逆之不相得者從之余

已知之矣其於正味何如岐伯曰木位之主其寫以酸

其補以辛

木位春分前六十

火位之主其寫以甘其補

以鹹

君火之位春分之後六十一日二之氣也相火之位夏至前後各三十日三之氣也二火之氣則殊

然其氣用則一矣

土位之主其瀉以苦其補以甘

土之位秋分前六十一日

四之金位之主其瀉以辛其補以酸

金之位秋分後六十一日五之氣也

水位之主其瀉以鹹其補以苦

水之位冬至前後各三十日終之氣也

厥

陰之客以辛補之以酸瀉之以甘緩之少陰之客以鹹

補之以甘瀉之以鹹收之

新校正云按藏氣法時論云心苦緩急食酸以收之心欲

與急食鹹以與之此云以鹹收之者誤也

太陰之客以甘補之以苦瀉之以

甘緩之少陽之客以鹹補之以甘瀉之以鹹與之陽明

之客以酸補之以辛瀉之以苦泄之太陽之客以苦補

之以鹹瀉之以苦堅之以辛潤之開發腠理致津液通

氣也

客之部主各六十一日居無常所隨歲遷移客勝則瀉客而補主主勝則瀉主而補客應隨當緩當

急以治之帝曰善願聞陰陽之三也何謂岐伯曰氣有多少

異用也

太陰為正陰太陽為正陽次少者為少陰次少者為少陽又次為陽明又次為厥陰厥陰為盡

義具靈樞繫日月論中新校正云按天元紀大論云何謂氣有多少鬼臾區曰陰陽之氣各有多少故曰三

陰三陽也

帝曰陽明何謂也岐伯曰兩陽合明也

靈樞繫日月論曰辰

者三月主左足之陽明已者四月主右足之陽明兩陽合於前故曰陽明也

帝曰厥陰何也

岐伯曰兩陰交盡也

靈樞繫日月論曰戌者九月主右足之厥陰亥者十月主左足之厥

陰兩陰交盡

帝曰氣有多少病有盛衰

新校正云按天元紀大論曰形

有盛衰

治有緩急方有大小願聞其約奈何岐伯曰氣有

高下病有遠近證有中外治有輕重適其至所為故也

臟位有高下腑氣有遠近病證有表裏藥用有輕重調其多少和其緊慢令藥氣至病所為故勿太過與不及

也大要曰君一臣二奇之制也君二臣四偶之制也君

二臣三奇之制也君二臣六偶之制也

奇謂古之單方偶謂古之複方

也單複一制皆有小大故奇方云君一臣二君二臣三偶方云君二臣四君二臣六也病有小大氣有遠近治有輕重所宜故云制也故曰近者奇之遠者偶之汗者不以奇下

者不以偶補上治上制以緩補下治下制以急急則氣味厚緩則氣味薄適其至所此之謂也

汗藥不以偶方氣不足以外發

泄下藥不以奇制藥毒攻而致過治上補上方迅急則止不住而迫下治下補下方緩慢則滋道路而力又微制急方而氣味薄則力與緩等制緩方而氣味厚則勢與急同如是為緩不能緩急不能急厚而不厚薄而不薄則大小非制輕重無度則虛實寒熱臟腑紛撓無由致理豈神靈而可望安哉

病所遠而中

道氣味之者食而過之無越其制度也

假如病在腎而心之氣味飼而

冷足仍急過之不飼以氣味腎藥凌心心復益衰餘上下遠近例同

是故平氣之道近而

奇偶制小其服也遠而奇偶制大其服也大則數少小

則數多多則九之少則二之

謂肺臟之位也心肺為近

腎肝為遠脾胃居中三陽胞肚膽亦有遠近身三分之上為近下為遠也或識見高遠權以合宜方奇而分兩

偶方偶而分兩奇如是者近而偶制多數服之遠而奇

制少數服之則肺服九心服七脾服五肝服三腎服二

為常制矣故曰小則數多大則數小新校正云詳注

云三陽胞肚膽一本作三腸胞肚膽再詳三陽無義三

腸亦未為得腸有大小并肚腸為三今

已云胞肚則不得云三腸三當作二奇之不去則偶

之是謂重方偶之不去則反佐以取之所謂寒熱溫涼

反從其病也

方與其重也寧輕與其毒也寧善與其大也寧小是以奇方不去偶方主之偶方病

在則反一佐以同病之氣而取之也夫熱與寒背寒與熱違微小之熱為寒所折微小之冷為熱所消甚大寒

熱則必能與違性者爭雄能與異氣者相格聲不同不相應氣不同不相合如是則且憚而不敢攻之攻之則病氣與藥氣抗行而自為寒熱以開閉固守矣是以聖人反其佐以同其氣令聲氣應合復令寒熱參合使其終異始同燥潤而敗堅剛必折柔脆自消爾

帝曰善病生於本余知之矣生

於標者治之奈何岐伯曰病反其本得標之病治反其

本得標之方

言少陰太陽之二氣餘四氣標本同

帝曰善六氣之勝何以

候之岐伯曰乘其至也清氣大來燥之勝也風木受邪

肝病生焉

流於膽也

熱氣大來火之勝也金燥受邪肺病生

焉

流於迴腸大腸按甲乙經迴腸即大腸

新校正云詳注云

寒氣大來水之

勝也火熱受邪心病生焉

流於三焦小腸

濕氣大來土之勝也

寒水受邪腎病生焉

流於膀胱

風氣大來木之勝也土濕受

邪脾病生焉

流於胃

所謂感邪而生病也

外有其氣而內惡之中外不喜

因而遂病是謂感也

乘年之虛則邪甚也

年木不足外有清邪年火不足外有寒邪年土

不足外有風邪年金不足外有熱邪年水不足外有濕邪是年之虛也歲氣不足外邪湊甚

失時之

和亦邪甚也

六氣臨統與位氣相剋感之而病亦隨所不勝而與內藏相應邪復甚也

遇月

之空亦邪甚也

謂上弦前下弦後月輪中空也

重感於邪則病危矣

年已不足

邪氣大至是一感也年已不足天氣剋之此時感邪是重感也內氣召邪天氣不祐病不危可乎

有勝

之氣其必來復也

天地之氣不能相無故有勝之氣其必來復也

帝曰其脈至

何如岐伯曰厥陰之至其脈弦

與虛而滑端直以長是謂弦實而強則病不實

而微亦病不端直長亦病不

少陰之至其脈鈎

來盛去衰如偃

當其位亦病位不能弦亦病

帶鈎是謂鈎來不盛去反盛則病來盛去盛亦病來不盛去不盛亦病不偃帶鈎亦病不當其位亦病位不能

鈎亦

太陰之至其脈沈

沈下也按之乃得下諸位脈也沈甚則病不沈亦病不當其位

病

亦病位不

少陽之至大而浮

浮高也大謂稍大諸位脈也大浮甚則病浮而不大

能沈亦病

亦病大而不浮亦病不大不浮亦病不當其位亦病位不能大浮亦病

陽明之至短而濇

往來不利是謂濇也往來不遠是謂短也短甚則病濇甚則病不短不濇亦病不當其位亦病位不能短濇亦

病太陽之至大而長

往來遠是謂長大甚則病長甚則病長而不長大亦病大而不長亦病

不當其位亦病位不能長大亦病

至而和則平

去太甚則為平調不至弱不強是為和也

而甚則病

弦似張弓弦滑如連珠沈而附骨浮高於皮漚而止住短如麻黍大如帽簪長如引繩皆

謂至而至而反者病

應弦反漚應大反細應沈反浮應浮反沈應短漚反長滑應與虛反

強實應細反大是皆為氣反

至而不至者病

氣位已至而脈氣不

應未至而至者病

按應占之凡得節氣當年六位之分當如南北之歲脈象改易而應之氣

序未移而脈先變易

陰陽易者危

不應天常氣見交錯失其恒位更易見之

陰位見陽脈陽位見陰脈是易位而見也二氣之亂故氣危
新校正云按六微旨大論云帝曰其有至而至

有至而不至有至而太過何也岐伯曰至而至者和至而不至來氣不及也未至而至來氣有餘也帝曰至而不至未至而至何如岐伯曰應則順否則逆逆則變生則病帝曰請言其應岐伯曰物生其應也氣脈其應也所謂脈應帝曰六氣標本所從不同奈何岐伯曰即此脈應也

氣有從本者有從標本者有不從標本者也帝曰願卒

聞之岐伯曰少陽太陰從本少陰太陽從本從標陽明

厥陰不從標本從乎中也

少陽之本火太陰之本濕本末同故從本也少陰之本熱

其標陰太陽之本寒其標陽本末異故從本從標陽明之中太陰厥陰之中少陽本末與中本同故不從標本從乎中也從本從標從中皆以其為化主之用也故從本者化生於本從標本

者有標本之化從中者以中氣為化也

化謂氣化之元主也有病以元

主氣用寒熱治之

新校正云按六微旨大論云少陽

之上火氣治之中見厥陰陽明之上燥氣治之中見太

陰太陽之上寒氣治之中見少陰厥陰之上風氣治之

中見少陽少陰之上熱氣治之中見太陽太陰之上濕

氣治之中見陽明所謂本也本之下中之見也見

帝曰脈

之下氣之標也本標不同氣應異象此之謂也

從而病反者其診何如岐伯曰脈至而從按之不鼓諸陽皆

然

言病熱而脈數按之不動乃寒盛格陽而致之非熱也

帝曰諸陰之反其脈何

如岐伯曰脈至而從按之鼓甚而盛也

形證是寒按之而脈氣鼓擊於

手下盛者此為熱盛拒陰而生病非寒也

是故百病之起有生於本者有生

於標者有生於中氣者有取本而得者有取標而得者

有取中氣而得者有取標本而得者有逆取而得者有

從取而得者

反佐取之是為逆取奇偶取之是為從取
寒病治以寒熱病治以熱是為逆取從順

也逆正順也若順逆也

寒盛格陽治以熱以熱熱盛拒陰
治寒以寒之類皆時謂之逆外

雖用逆中乃順也此逆乃正順也若寒格陽而治以寒
熱拒寒而治以熱外則雖順中氣乃逆故方若順是逆

也故曰知標與本用之不死明知逆順正行無問此之

謂也不知是者不足以言診足以亂經故大要曰粗工

嘻嘻以為可知言熱未已寒病復始同氣異形迷診亂

經此之謂也

嘻嘻悅也言心意怡悅以為知道終盡也六氣之用粗之與工得其半也厥陰之化

粗以為寒其乃是溫太陽之化粗以為熱其乃是寒由此差互用失其道故其學問識用不達工之道半矣夫太陽少陰各有寒化熱量其標本應用則正反矣何以言之太陽本為寒標為熱少陰本為熱標為寒方之用亦如是也厥陰陽明中氣亦爾厥陰之中氣為熱陽明之中氣為濕此二氣亦反其類太陽少陰也然太陽與少陰有標本用與諸氣不同故曰同氣異形也夫一經之標本寒熱既殊言本當究其標論標合尋其本言氣不窮其標本論病未辨其陰陽雖同一氣而生且阻寒溫之候故心迷正理治益亂經呼曰粗工先膺其稱爾

夫標本之道要而博小而大可以言一而知百病之害

言標與本易而勿損察本與標氣可令調明知勝復為

萬民式天之道畢矣

天地變化尚可盡知況一人之診而云其味得經之要持法之宗為

天下師尚卑其道萬民之式豈曰大哉新校正云按標本病傳論云有其在本而求之於標有其在標而求之於本有其在本而求之於標有其在標而求之於本故治有取標而得者有取本而得者有逆取而得者有從取而得者故知逆與從正行無間知標本者萬舉萬當不知標本是為妄行夫陰陽逆從標本之為道也小而大言一而知百病之害少而多淺而博可以言一而知百也以淺而知深察近而知遠言標與本易而勿及治反為逆治得為從先病而後逆者治其本先逆而後病者治其本先寒而後生病者治其本先熱而後生病者治其本先泄而後生他病者治其本必且調之乃治其他病先病而後生中滿者治其標先中滿而後煩心者治其本人有客氣有同氣小大不利治其標小大利治

其本病發而有餘本而標之先治其本後治其標病發而不足標而本之先治其標後治其本謹察間甚以意調之聞者并行甚者獨行先小大不利而後生病者治其本此經論標本尤詳

帝曰勝復之變

早晏何如岐伯曰夫所勝者勝至已病病已愠愠而復

已萌也

復心之愠不速而有

夫所復者勝盡而起得位而甚勝有

微甚復有少多勝和而和勝虛而虛天之常也帝曰勝

復之作動不當位或後時而至其何故也

言陽盛於夏陰盛於冬清

盛於秋溫盛於春天之常候然其勝復氣用四序不同其何由哉

岐伯曰夫氣之生與

其化衰盛異也寒暑溫涼盛衰之用其在四維故陽之

動始於溫盛於暑陰之動始於清盛於寒春夏秋冬各

差其分

言春夏秋冬四正之氣在於四維之分也即事驗之春之溫正在辰巳之月夏之暑正在午未

之月秋之涼正在戌亥之月冬之寒正在寅丑之月春始於仲春夏始於仲夏秋始於仲秋冬始於仲冬故丑之月陰結層氷於厚地未之月陽焰電掣於天垂戌之月霜清肅殺而庶物堅辰之月風扇和舒而陳柯榮秀此則氣差其分昭然而不可藏也然陰陽之氣生發收藏與常法相會徵其氣化及在人之應則四時每差其日數與常法相違從

差法乃正當之也

故大要曰彼春之暖為夏之暑彼

秋之忿為冬之怒謹按四維斥候皆歸其終可見其始

可知此之謂也

言氣之少壯也陽之少為暖其壯也為暑陰之少為忿其壯也為怒此悉謂少

壯之異氣證用之盛衰但立盛衰於四維之位則陰陽終始應用皆可矣

帝曰差有數乎

岐伯曰又凡三十度也

度者日也新校正云按六元正紀大論曰差有數乎曰後皆

三十度而有奇也此云三十度也者此文為略

帝曰其脈應皆何如岐伯曰差

同正法待時而去也

脈亦差以隨氣應也待差日足應王氣至而乃去也

脈要曰

春不沈夏不弦冬不濇秋不數是謂四塞

天地四時之氣閉塞而無

所運

沈甚曰病弦甚曰病濇甚曰病數甚曰病

但應天和氣是

則為平形見太甚則為力致以力而致安能久乎故甚皆病

參見曰病復見曰病未

去而去曰病去而不去曰病

參謂參和諸氣來見復見謂再見已衰已死之氣也

去謂王已而去者也日行之度未出於差是為天氣未

出日度過差是謂天氣已去而脈尚在既非得應故曰

病反者死夏見沈秋見數冬見緩春見瀋是謂反也犯

也違天命生其能久乎新校正云詳上文秋

不數是謂四塞此注云秋見數是謂尺蓋以脈差只在

仲月差之度盡而數不去謂秋之季月而脈尚數則為

反故曰氣之相守司也如權衡之不得相失也權衡秤

也也天地

之氣寒暑相對溫清相望如持秤也高者舌下者舌

兩者齊等無相奪倫則清靜而生化各得其分也夫

陰陽之氣清靜則生化治動則苛疾起此之謂也變動謂

常平之候而為災者也苛重也新校正云按六微

旨大論云成敗倚伏生乎動動而不已則變作矣帝

曰幽明何如岐伯曰兩陰交盡故曰幽兩陽合明故曰

帝

明幽明之配寒暑之異也

兩陰交盡於戌亥兩陽合明於辰巳靈樞繫日月論云亥

十月左足之厥陰戌九月右足之厥陰此兩陰交盡故

曰厥陰辰三月左足之陽明巳四月右足之陽明此兩

陽合於前故曰陽明然陰交則幽陽合則明幽明之象

當由是也寒暑位西南東北幽明位西北東南幽明之

配寒暑之異誠如是也新校正云按帝曰分至何女

大始天元冊文云幽明既位寒暑弛張

岐伯曰氣至之謂至氣分之謂分至則氣同分則氣異

所謂天地之正紀也

因幽明之問而形斯義也言冬夏二至是天地氣主歲至其所在也

春秋二分是間氣初二四五四氣各分其政於主歲左右也故曰至則氣同分則氣異也所言二至二分之氣配

者此所謂是天地氣之正紀也帝曰夫子言春秋氣始於前冬夏氣始

於後余已知之矣然六氣往復主歲不常也其補瀉奈

何

以分至明六氣分位則初氣四氣始於立春立秋前各一十五日為紀法三氣六氣始於立夏立冬後各

一十五日為紀法由是四氣前後之紀則三氣六氣之中正當二至日也故曰春秋氣始於前冬夏氣始於後也然以三百六十五日易一氣一歲已往氣則改新新氣既來舊氣後去所宜之味天地不同補瀉之方應知先後故復岐伯曰上下所主隨其攸利正其味則其要以問之也

也左右同法大要曰少陽之主先甘後鹹陽明之主先辛後酸太陽之主先鹹後苦厥陰之主先酸後辛少陰之主先甘後鹹太陰之主先苦後甘佐以所利資以所

生是謂得氣

主謂主歲得謂得其性用也得其性用則舒卷由人不得性用則動生乖忤豈祛邪

之可望乎適足以伐天真之妙氣兩如是帝曰善夫百

先後之味皆謂有病先瀉之而後補之也

病之生也皆生於風寒暑濕燥火以之化之變也

風寒暑濕

燥火天之六氣也靜而順者為化經言盛者瀉之虛者動而變者為變故曰之化之變也

補之余錫以方士而方士用之尚未能十全余欲令要

道必行桴鼓相應猶拔刺雪汗工巧神聖可得聞乎

鍼

工巧藥曰神聖新校正云按難經云望而知之謂之神聞而知之謂之聖問而知之謂之工切脈而知之謂之巧以外知之曰神岐伯曰審察病機無失氣宜此之謂

聖以內知之曰神

也得其機要則動小而功大用淺而功深也帝曰願聞病機何如岐伯曰諸

風掉眩皆屬於肝

風性動木氣同之

諸寒收引皆屬於腎

收謂斂也

引謂急也寒物諸氣臋鬱皆屬於肺

高秋氣涼霧氣烟集涼至則氣熱復

甚則氣彈微其物象屬可知也臋謂臋

諸濕腫滿皆屬

於脾

土薄則水淺土厚則水深土平則乾土高則濕濕氣之有土氣同之

諸熱瞀瘵皆屬

於火

火象徵

諸痛痒瘡皆屬於心

心寂則痛微心躁則痛甚百端之起皆自心生

痛痒瘡瘍

諸厥固泄皆屬於下

下謂下焦肝腎氣也夫守司於下腎之氣也門

戶東要肝之氣也故厥固泄皆屬下也厥謂氣逆也固謂禁固也諸有氣逆上行及固不禁出入無度燥濕不

恒皆由下焦之主守也

諸痿喘嘔皆屬於上

上謂上焦心肺氣也
炎熱薄燥心之氣也

承熱分化肺之氣也熱鬱化上故病屬上焦

新校正

云詳痿之為病似非上病王注不解所以屬上之由使

後人疑議今按痿論云五臟使人痿者因肺熱葉焦發為痿躄故云屬於上也痿又謂肺痿也

諸禁鼓

慄如喪神守皆屬於火

熱之內作

諸瘧項強皆屬於濕

太陽傷濕

諸逆衝上皆屬於火

炎工之性用也

諸脹腹大皆屬於熱

熱鬱於內

肺脹諸躁狂越皆屬於火

熱盛於胃及四末也

諸暴強直皆屬於

風

陽內鬱而陰行於外

諸病有聲鼓之如鼓皆屬於熱

謂有聲也

諸病

肘腫疼酸驚駭皆屬於火

熱氣多也

諸轉反戾水液渾濁皆

屬於熱

反戾筋轉也水液小便也

諸病水液澄澈清冷皆屬於寒

上下

所出及吐

諸嘔吐酸暴注下迫皆屬於熱

酸酸水及味也

故大

要曰謹守病機各司其屬有者求之無者求之盛者責

之虛者責之必先五勝疎其血氣令其調達而致和平

此之謂也

深乎聖人之言理宜然也有無求之虛盛責

大也熱來復去晝見夜伏夜發晝止時節而動是無火

也當助其心又如大熱而甚寒之不寒是無水也熱動

復止條忽往來時動時止是無水也當助其腎內格嘔

逆食不得入是有火也病嘔而吐食入反出是無火也

暴速注下食不及化是無水也澹泄而久止發無恒是

無水也故心盛則生熱腎盛則生寒腎虛則寒動於中

心虛則熱收於內又熱不得寒是無水也寒不得熱是無火也夫寒之不寒責其無水熱之不熱責其無火熱之不久責心之虛寒之不久責腎之弱有者瀉之無者補之虛者補之盛者瀉之適其中外疏其壅塞令上下無礙氣血通調則寒熱自和陰陽調達矣是以方有治熱以寒寒之而飲食不入攻寒以熱熱之而昏躁以生此則氣不疎通壅而為是也紀於水火餘氣可知故曰有者求之無者求之盛者責之虛者責之令氣通調妙之道也五勝謂五行更勝也先以五行寒暑溫涼濕酸鹹甘辛苦相勝為法也

帝曰善五味陰陽之用何如岐伯曰辛甘發散為陽酸苦涌泄為陰鹹味涌泄為陰淡味滲泄為陽六者或收或散或緩或急或燥或潤或與或堅以所利而行之調其氣使其平也

而愈者有兼治外而愈者有先治內後治外而愈者有
先治外後治內而愈者有須齊毒而攻擊者有須元毒
而調引者凡此之類方法所施或重或輕或緩或急或
收或散或潤或燥或與或堅方士之用見解不同各擅
已心好丹非素岐伯曰有毒無毒所治為主適大小為
故復問之者也

制也

言但能破積愈疾解急脫死則為良方非必要言
以先毒為是後毒為非無毒為非有毒為是必量

病輕重大小

帝曰請言其制岐伯曰君一臣二制之小

也君一臣三佐五制之中也君一臣三佐九制之大也

寒者熱之熱者寒之微者逆之甚者從之

夫病之微小者猶人火也

過草而焰得木而燔可以濕伏可以水滅故逆其性氣
以折之攻之病之大甚者猶龍火也得濕而焰遇水而

燔不知其性以水濕折之適足以光焰詣天物窮方止矣識其性者反其常理以大逐之則燔灼自消焰光撲滅然逆之謂以寒攻熱以熱攻寒從之謂攻以寒熱雖從其性用不必皆同是以下文曰逆者正治從者反治從少從多觀其事也此之謂乎新校正云按神農云藥有君臣佐使以相宣攝合和宜用一君二臣三佐五使又可一君二臣九佐使也

堅者削之客者除之勞者溫之結者散

之留者攻之燥者濡之急者緩之散者收之損者益之逸者行之驚者平之上之下之摩之浴之薄之劫之開之發之適事為故

量病證候通事用之

帝曰何謂逆從岐伯曰逆

者正治從者反治從少從多觀其事也

言逆者正治也從者反治也逆

病氣而正治則以寒攻熱以熱攻寒雖從順病氣乃反治法也從少謂一同而二異從多謂二同而三異也言盡同者是帝曰反治何謂岐伯曰熱因寒用寒因熱用奇制也

塞因塞用通因通用必伏其所主而先其所因其始則同其終則異可使破積可使潰堅可使氣和可使必已

夫以大寒內結積聚症瘕以熱攻除除寒格熱反縱反縱之則痛發尤甚攻之則熱不得前方以蜜煎烏頭佐之以熱蜜多其藥服已便消是則張公從此而以熱因寒用也有火氣動服冷已過熱為寒格而身冷嘔噦噦乾口苦惡熱好寒衆議攸同咸呼為熱冷治則甚其如之何逆其好則拒治順其心則加病若調寒熱逆冷熱必行則熱物冷服下噦之後冷體既消熱性便發由是病氣隨愈嘔噦皆除情且不違而致大益醇酒冷

飲則其類矣是則以熱因寒用也所謂惡熱者凡諸食
餘氣主於生者新校正云詳生字疑誤見之已嘔
也又病熱者寒攻不入惡其寒勝熱乃消除從其氣則
熱增寒攻之則不入以豉豆諸冷藥酒漬或溫而服之
酒熱氣同固無違忤酒熱既盡寒藥已行從其服食熱
便隨散此則寒因熱用也或以諸冷物熱齊和之服之
食之熱復因解是亦寒因熱用也又熱食猪肉及粉葵
乳以椒薑橘熱齊和之亦其類也又熱在下焦治亦然
假如下氣虛乏中焦氣擁脘脇滿甚食已轉增粗工之
見無能斷也欲散滿則恐虛其下補下則滿甚於中嚴
氣則下焦轉虛補虛則中滿滋甚醫病參議言意皆同
不救其虛且攻其滿藥入則減藥過依然故中滿下虛
其病常在乃不知疎啟其中峻補於下少服則資壅多
服則宣通由是而療中滿自除下虛斯實此則塞因塞
用也又大熱內結注泄不止熱宜寒療結復須除以寒
下之結散利止此則通因通用也大熱凝內久利澹

泄愈而復發綿歷歲年以熱下之寒去利止亦其類也
投寒以熱涼而行之投熱以寒溫而行之始同終異斯
之謂也諸如此等其徒寔繁略舉宗兆猶是反治之道
斯其類也新校正云按五常政大論云治熱以寒溫而行之治寒以熱涼而行之亦帝曰善氣調而得者何

熱因寒用寒因熱用之義也

如岐伯曰逆之從之逆而從之從而逆之疎氣令調則

其道也

逆謂逆病氣以正治從謂從病氣而反療逆其氣以正治使其從順從其病以反取令彼和調

故曰逆從也不疎其氣令道路開通則氣感寒熱而為變始生化多端也

帝曰善病之中外

何如岐伯曰從內之外者調其內從外之內者治其外

各絕其源從內之外而盛於外者先調其內而後治其外從

外之內而盛於內者先治其外而後調其內

皆謂先除其根屬後

削其枝條也

中外不相及則治主病

中外不相及自各一病也

帝曰善火

熱復惡寒發熱有如瘧狀或一日發或間數日發其故

何也岐伯曰勝復之氣會遇之時有多少也陰氣多而

陽氣少則其發日遠陽氣多而陰氣少則其發日近此

勝復相薄盛衰之節瘧亦同法

陰陽齊等則一日之中寒熱相半陽多陰少則一日

一發而但熱不寒陽少陰多則隔日發而先寒後熱雖復勝之氣若氣微則一發後六七日乃發時謂之愈而復發或頻三日發而六七日止或隔十日發而四五日止者皆由氣之多少會遇與不會遇也俗見不遠乃謂

鬼神暴疾而又祈禱避匿病勢已過旋至其斃病者殞歿自謂其分致令冤魂塞於冥路天死盈於曠野仁愛鑒茲能不傷楚習俗既久難卒釐革非復可改未如之何悲哉悲哉帝曰論言治寒以熱

治熱以寒而方士不能廢繩墨而更其道也有病熱者寒之而熱有病寒者熱之而寒二者皆在新病復起奈

何治

謂治之而病不衰退反因藥寒熱而隨生寒熱病之新者也亦有止而復發者亦有藥在而除藥去

而發者亦有全不息者方士若廢此繩墨則無更新之法欲依標格則病勢不除捨之則阻彼凡情治之則藥無能驗心迷意惑無由通悟不知其道何恃而岐伯曰為因藥病生新舊相對欲求其愈安可奈何

諸寒之而熱者取之陰熱之而寒者取之陽所謂求其

屬也

言益火之源以消陰翳壯水之主以制陽光故曰求其屬也夫粗工偏淺學未精深以熱攻寒以寒

療熱治熱未已而冷疾已生攻寒日深而熱病更起熱起而中寒尚在寒生而外熱不除欲攻寒則懼熱不前欲療熱則思寒又止進退交戰危亟已臻豈知臟腑之源有寒熱溫涼之主哉取心者不必齊以熱取腎者不必齊以寒但益心之陽寒亦通行強腎之陰熱之猶可觀斯之故或治熱以熱治寒以寒萬舉萬全孰知其意思方智極理盡辭窮嗚呼人之死者豈謂命不謂方士愚昧而殺之耶

帝曰善服寒而反

熱服熱而反寒其故何也岐伯曰治其王氣是以反也

物體有寒熱氣性有陰陽觸王之氣則強其用也夫肝氣溫 and 心氣暑熱肺氣清涼腎氣寒冽脾氣兼并之故也春以清治肝而反溫夏以冷治心而反熱秋以溫治肺而反清冬以熱治腎而反寒蓋由補益王氣太甚也

補王太甚則藏之
寒熱氣自多矣

帝曰不治王而然者何也岐伯曰悉

乎哉問也不治五味屬也夫五味入胃各歸所喜攻酸

先入肝苦先入心甘先入脾辛先入肺鹹先入腎

新校正云

按宣明五氣篇云五味所入酸入肝辛入肺苦入心鹹入腎甘入脾是謂五入也

久而增氣物

化之常也氣增而久天之由也

夫入肝為溫入心為熱入肺為清入腎為寒入

脾為至陰而四氣兼之皆為增其味而益其氣故各從本臟之氣用爾故久服黃連苦參而反熱者此其類也餘味皆然但人疎忽不能精候矣故曰久而增氣物化之常也氣增不已益歲年則藏氣偏勝氣有偏勝則有偏絕藏有偏絕則有暴夭者故曰氣增而久天之由也是以正理觀化藥集商較服餌曰藥不具五味不備四

氣而久服之雖且獲勝益久必致暴夭此之謂也絕粒服餌則不暴夭斯何由哉無五穀味資助故也復令食穀其亦天焉帝曰善方制君臣何謂也岐伯曰主病之謂君

佐君之謂臣應臣之謂使非上下三品之謂也

上藥為君中藥

為臣下藥為佐使所以異善惡之名位服餌之道當從此為法治病之道不必皆然以主病者為君佐君者為臣應臣之用者為使帝曰三品何謂岐伯曰所以明善

惡之殊貫也

三品

上中下品此明藥善惡不同性用也

新校正云按神農云上藥為君主養命

以應天中藥為臣養性以應人帝曰善病之中外何如

下藥為佐使主治病以應地也帝曰善病之中外何如

前問病之中外謂調氣之法今此未盡故復問之岐伯

此下對當次前求其屬也之下應古之錯簡也

曰調氣之方必別陰陽定其中外各守其鄉內者內治外者外治微者調之其次平之盛者奪之汗者下之寒

熱溫涼哀之以屬隨其攸利

病者中外治有表裏在內者以內治法和之在外者以平氣法平之盛甚不已則奪其氣令甚寒也假如小寒

之氣溫以和之大寒之氣熱以取之甚寒之氣則下奪之奪之不已則逆折之折之不盡則求其屬以哀之小熱之氣涼以和之大熱之氣寒以取之甚熱之氣則汗發之發不盡則逆制之制之不盡則求其屬以哀之故曰汗之下之寒熱溫涼哀謹道如法萬舉萬全氣血正之以屬隨其攸利攸所也

平長有天命

守道以行舉無不中故能驅役草木石召遣神靈調御陰陽蠲除衆疾血氣保平和之

候天真無耗竭之由夫如是者蓋以舒卷
在心去留從意故精神內守壽命靈長
帝曰善

黃帝內經素問卷二十二

黃帝內經素問卷二十二音釋

至真要大論熠

羊入切

燂

徒渾切

膨

普盲切

痊

俎禾切

𤑔

如悅切

燂

匹搖切 𦵏

之力切 脆

須醉切

黃帝內經素問卷二十二音釋

黃帝內經素問卷二十三

唐王冰次注

宋林億等校正

著至教論

示從容論

疏五過論

徵四失論

著至教論篇第七十五

新校正云按全元起本在四時病類論篇末

黃帝坐明堂召雷公而問之曰子知醫之道乎

明堂布政之宮

也八憲四閏上圖下方在國之南故稱明堂夫求民之瘼恤民之隱大聖之用心故召引雷公問極濟生靈之道雷公對曰誦而頗能解解而未能別別而未能明明也

而未能彰

言所知解但得法守數而已猶未能深盡精微之妙用也新校正云按楊上善云習道

有五一誦二解

足以治羣僚不足至侯王

公不敢自高其道然則布

三別四明五彰

衣與血食主療亦殊矣

願得受樹天之度四時陰陽合之別星辰

與日月光以彰經術後世益明

樹天之度言高遠不極四時陰陽合之言順氣

序也別星辰與日月光言別星辰二明大小異也新校正云按太素別作列字

上通神農著

至教疑於二皇

公欲其經法明著通於神農使後世見之疑是二皇並行之教新校正云按

全元起本及太素疑作擬帝曰善無失之此皆陰陽表裏上下雌雄

相輸應也而道上知天文下知地理中知人事可以長

久以教衆庶亦不疑殆醫道論篇可傳後世可以為寶

以明雷公曰請受道諷誦用解誦亦謝也諷諭者所帝

曰子不聞陰陽傳乎曰不知曰夫三陽天為業天為業言三陽

之氣在人身形所行居上也陰陽傳上上下下無常合而

病至偏害陰陽上下無常言氣乖通不定在上下也合而病至

也陽井至則精氣微故雷公曰三陽莫當請聞其解當

言氣并至而不可當

帝曰三陽獨至者是三陽并至并至如風雨

上為巔疾下為漏病

并至謂手三陽足三陽氣并合而至也足太陽脈起於目內眥上額

交巔上其支別者從巔至耳上角其直行者從巔入絡

腦還出別下項從肩膊內夾脊抵腰中入循脊絡腎屬

膀胱手太陽脈起於手循臂上行交肩入缺盆絡心

循咽下膈抵胃屬小腸故上為巔疾下為漏病也漏血

膿出所謂并至如風雨者言無常準也故下文曰新

校正云按楊上善云漏病謂膀胱漏洩大小便數不禁

也外無期內無正不中經紀診無上下以書別并至上

下無常外無色氣可期內無正經常兩所至之時皆不

中經脈綱紀所病之證又復上下無常以書記銓量乃

應分雷公曰臣治疎愈說意而已雷公言臣之所治稀

別爾

得痊愈請言深意而

已疑心已止也謂得說則疑心乃止

帝曰三陽者至陽也

六陽并合故曰至盛之陽也

積并則為驚病起疾風至如礮礮九竅皆塞陽氣滂溢

乾嗌喉塞

積謂重也言六陽重并洪盛莫當陽憤鬱惟盛是為滂溢無涯故乾竅塞也

并於

陰則上下無常薄為腸澼

陰謂藏也然陽薄於藏為病亦上下無常定之診若在下

為病便此謂三陽直心坐不得起卧者便身全三陽之

病足太陽脈循肩下至腰故坐不得起卧便身全也所以然者起則陽盛鼓故常欲得卧卧則經氣均故身

安全新校正云按甲乙經便身全作身重也

且以知天下何以別陰陽應四

時合之五行

言知未備也

雷公曰

新校正云按自此至篇末全元起本別為一篇名方

盛衰也

陽言不別陰言不理請起受解以為至道

帝未許為深知

故重請也

帝曰子若受傳不知合至道以惑師教語子至道

之要

不知其要流散無窮後世相習去聖久遠而學者各自是其法則惑亂於師氏之教旨矣

病傷

五臟筋骨以消子言不明不別是世主學盡矣

言病之深重尚

不明別然輕微者亦何開愈今得徧知耶然由是不知明世主學教之道從斯盡矣腎且絕惋惋

日暮從容不出人事不殷

舉藏之易知者也然腎脈且絕則心神內燦筋骨脈肉日

晚酸空也暮晚也若以此之類諸藏氣俱少不出者當人事萎弱不復殷多所以兩者是則腎不足非傷損故

也新校正云按太素

作腎且絕死日暮也

示從容論篇第七十六

新校正云按全元起本在第八卷名從容別白黑

黃帝燕坐召雷公而問之曰汝受術誦書者若能覽觀雜學及於比類通合道理為余言子所長五臟六腑膽胃大小腸脾胞膀胱腦髓涕唾哭泣悲哀水所從行此

皆人之所生治之過失

五藏別論黃帝問曰余聞方士或以為府敢問更相反皆自謂是不知其道願聞其說

岐伯曰腦髓骨脈膽女子胞此六者地氣所生也皆藏於陰而象於地故藏而不寫名曰奇恒之府夫胃大腸小腸三焦膀胱此五者天氣之所生也其氣象天寫而不藏此受五臟濁氣故名曰傳化之腑是以古之治病者以為過失也

子務明之可以十

全即不能知為世所怨

不能知之動傷生者故人聞議論多有怨咎之心焉

雷公

曰臣請誦脈經上下篇甚衆多矣別異比類猶未能以

十全又安足以明之

言臣所請誦脈經兩篇衆多別異比類例猶未能以義而會見十全

又何足以心明至理乎安猶何也

帝曰子別試通五臟之過六腑之所

不和鍼石之敗毒藥所宜湯液滋味具言其狀悉言以

對請問不知

過謂過失所謂不率常候而生病者也毒藥攻邪滋味充養試公之間知與不知兩

新校正云按太素別試作識別而已

雷公曰肝虛腎虛脾虛皆令人體

重煩寃當投毒藥刺灸砭石湯液或已或不已願聞其

解

公以帝問使言五臟之過毒藥湯液滋味故問此病也

帝曰公何年之長而問

之少余真問以自謬也

言問之不相應也以問不相應故言余真發問以自招謬誤之

對吾問子竊冥子言上下篇以對何也

竊冥謂不可見者則形氣榮衛

也八正神明論岐伯對黃帝曰觀其真冥者言形氣榮衛之不相形於外而工獨知之以日之寒溫月之虛盛四時氣之浮沈參伍相合而調之工常先見之然而不形於外故曰觀於真冥馬由此帝故曰吾問子竊冥也然肝虛腎虛脾虛則上下篇之首帝故曰子言上下篇以對何也耳

夫脾虛浮似肺腎小

浮似脾肝急沈散似腎此皆工之所時亂也然從容得

之

脾虛脈浮候則似肺腎小浮上候則似脾肝急沈散候則似腎者何以然以三臟相近故脈象參差而相

類也是以工感亂之為治之過失矣雖爾乎猶宜從容
安緩審比類之而得三臟之形候矣何以取之然浮而
緩曰脾浮而短曰肺小浮而滑曰心急緊而散
曰肝搏沈而滑曰腎不能比類則疑亂彌甚 若夫三

臟土木水參居此童子之所知問之何也

脾合土肝合木腎合水三

臟皆在耳下雷公曰於此有人頭痛筋攣骨重怯然少
居止相近也

氣噦噫腹滿時驚不嗜卧此何臟之發也脈浮而弦切

之石堅不知其解復問所以三臟者以知其比類也

有脈

浮弦石堅故云問所以帝曰夫從容之謂也

言比類也夫年

長則求之於腑年少則求之於經年壯則求之於臟年

長者甚於味年之少者勞於使年之壯者過於內過於
內則耗傷精氣勞於使則經中風邪恣於味則傷於肺
故求之
異也
今子所言皆失八風苑熟五臟消燔傳邪相受

夫浮而弦者是腎不足也

脈浮為虛弦為肝氣以沈而腎氣不足故脈浮弦也

石者是腎氣內著也

石之言堅也著謂腎氣內薄著而不行也

怯然少氣者

是水道不行形氣消索也

腎氣不足故水道不行肺臟被衝故形氣消散索盡也

欬嗽煩冤者是腎氣之逆也

腎氣內著上歸於母也

一人之氣病

在一臟也若言三臟俱行不在法也

經不然也

雷公曰於此

有人四支解墮喘欬血泄而愚診之以為傷肺切脈浮

大而虛愚不敢治粗工下砭石病愈多出血血止身輕

此何物也帝曰子所能治知亦衆多與此病失矣

以爲傷肺

而不敢治是乃譬以鴻飛亦冲於天

鴻飛冲天偶然而得豈其羽翮之以

狂見法所失也

能哉粗工下砭夫聖人之治病循法守度援物比類化

石亦猶是矣

之冥冥循上及下何必守經

經謂經脈非經法也

今夫脉浮大虛

者是脾氣之外絕去胃外歸陽明也

足太陰絡支別者入絡腸胃是以脾

氣外絕不至胃外歸陽明也

夫二火不勝三水是以脉亂而無常也

二火謂二陽臟三水謂三陰臟二陽臟者心肺也以在兩上則三陰臟者肝脾腎也以在兩下故然三陰之氣

上勝二陽陽不勝陰
故脈亂而無常也

四肢解墮此脾精之不行也

土主四肢

故四肢解墮脾精不化故使之然

喘欬者是水氣并陽明也

腎氣逆入於胃故水

氣并於陽明

血泄者脈急血無所行也

泄謂泄出也然脈氣數急血溢於中血不

入經故為血泄以脈奔急而血溢故曰血無所行也

若夫以為傷肺者由失以狂

也不引比類是知不明也

言所識不明不能比類以為傷肺猶失狂言耳

夫傷

肺者脾氣不守胃氣不清經氣不為使真臟壞決經脈

傍絕五臟漏泄不衄則嘔此二者不相類也

肺氣傷則脾外救故

云脾氣不守肺臟損則氣不行不行則胃滿故云胃氣不清肺者主行榮衛陰陽故肺傷則經脈不能為之行

使也真臟謂肺臟也若肺臟損壞皮膜上散經脈傍絕而不流行五藏之氣上溢而渴泄者不衄血則嘔血也何者肺主鼻胃應口也然口鼻者氣之門戶也今肺臟已損胃氣不清不上衄則血下流於胃中故不衄出則嘔出也然傷肺傷脾衄血泄血標出譬如天之無形地且異本歸亦殊故此二者不相類也譬如天之無形地之無理白與黑相去遠矣

言傷肺傷脾形證懸別譬天地之相遠如黑白之異象也

是失吾過矣以子知之故不告子

是猶此也言雷公於此見病殊者是吾

不告子比類之道故自謂過也

明引比類從容是以名曰診輕

新校正云按太

素輕是謂至道也

明引形證比量類例今從容之旨則輕微之者亦不失矣所以然者何哉

以道之至妙而能爾也從容上古經篇名也何以明之陰陽類論雷公曰臣悉盡意受傳經脈頌得從容之道

以合從容明古
文有從容矣

疏五過論篇第七十七

新校正云按全元起本
在第八卷名論過失

黃帝曰嗚呼遠哉閔閔乎若視深淵若迎浮雲視深淵

尚可測迎浮雲莫知其際

嗚呼遠哉歎至道之不極也
閔閔乎言妙用之不窮也深

淵清澄見之必定故可測浮雲漂寓際不守常
故莫知新校正云詳此文與六微旨論文重

聖人之

術為萬民式論裁志意必有法則循經守數按循醫事

為萬民副故事有五過四德汝知之乎

慎五過則敬順
四時之德氣矣

然德者道之用生之主故不可不敬順之也上古天真
論曰所以能年皆度百歲而動作不衰者以其德全不

危故也。靈樞經曰：天之在我者，德也；由此則天降德氣。人賴而生，主氣抱神，上通於天，生氣通天論曰：夫自古通者，生之本，此之謂也。新校正雷公避席再拜曰：云按為萬民副，楊上善云：副助也。

臣年幼小，蒙愚以惑，不聞五過與四德，比類形名虛引。

其經心無所對。

經未師受，心匪生知，功業微薄，故卑辭也。

帝曰：凡未診病者。

必問嘗貴後賤，雖不中邪，病從內生，名曰脫營。

神屈故也，貴之

尊榮賤之，屈辱心懷，眷慕念結，憂惶故雖不中邪而病從內生，血脈虛減，故曰脫營。

嘗富後貧，名曰失精。

五氣留連，病有所并。

富而從欲，貧奪財內結憂煎，外悲過物，然則心從

想慕神隨，往計榮衛之道，閉以遲留，氣血不行，積并為病。

醫工診之，不在臟腑，不變。

軀形診之而疑不知病名

言病之初也病由想戀所為故未居臟腑事因情念所起

故不變軀形醫不悉之故診而疑也

身體日減氣虛無精

言病之次也氣血相逼形肉消

燔故身體日減陰陽應象大論曰氣歸精精食氣今氣虛不化精無所滋故也

病深無氣灑灑

然時驚

言病之深也病氣深穀氣盡陽氣內薄故惡寒而驚灑灑寒貌

病深者以其外

耗於衛內奪於榮

血為憂煎氣隨悲減故外耗於衛內奪於榮病深者何以此耗奪故弱也

新校正云按太素病深者以其作病深以甚也

良工所失不知病情此亦治之

一過也

失謂失問其所始也

凡欲診病者必問飲食居處

飲食處居其有

不同故問之也異法方宜論曰東方之域天地之所始生魚鹽之地海濱傍水其民食魚而嗜鹹皆安其處美

其食西方者金玉之域沙石之處天地之所收引其民
陵居而多風水土剛強其民不衣而褐薦其民華食而
脂肥北方者天地所閉藏之域其地高陵居風寒水冽
其民樂野處而乳食南方者天地所長養陽之所盛處
其地下水土弱霧露之所聚其民嗜酸而食肘中央者
其地平以濕天地所以生萬物也衆其民食雜而不勞
由此則診病之道當先問焉故聖人
暴樂暴苦始樂後

苦

新校正云按
太素作始苦

皆傷精氣精氣竭絕形體毀沮

喜則氣
緩悲則

氣消然悲哀動中者竭絕而失生故
精氣竭絕形體殘毀心神沮喪矣

暴怒傷陰暴喜傷

陽

喜則氣逆故傷陰
喜則氣緩故傷陽

厥氣上行滿脈去形

厥氣逆也逆
氣上行滿於

經絡則神氣憊
散去離形骸矣

愚醫治之不知補寫不知病情精華日

脫邪氣乃并此治之二過也

不知喜怒哀樂之殊情槩為補寫而同貫則五臟精

華之氣日脫邪氣薄蝕而乃并於正真之氣矣

善為脈者必以比類奇恒從容

知之為工而不知道此診之不足貴此治之三過也

奇恒

謂氣候奇異於恒常之候也從容謂分別臟氣虛實脈見高下幾相似也示從容論曰脾虛浮似肺腎小浮似脾肝急沈散似腎此皆工之所診有三常必問貴賤封

君敗傷及欲侯王

貴則形樂志樂賤則形苦志苦樂殊貴故先問也封君敗傷降君之位

封公卿也及欲侯王謂情慕尊貴而妄為不己也新校正云按太素欲作公

故貴脫勢雖不

中邪精神內傷身必敗亡

憂惶煎迫佛結所為

始富後貧雖不傷

邪皮焦筋屈痿臂為攣

以五臟氣留連病有所井而為是也

醫不能嚴不

能動神外為柔弱亂至失常病不能移則醫事不行此

治之四過也

嚴謂戒所以禁非也所以令從命也外為柔弱言委隨而順從也然戒不足以禁非

動不足以從令委隨任物亂失天常病且不移何醫之有

凡診者必知終始有知餘

緒切脈問名當合男女

終始謂氣色也脈要精微論曰知外者終而始之明知五氣色

象終而復始也餘緒謂病發端之餘緒也切謂以指按脈也問名謂問病證之名也男子陽氣多而左脈大為順女子陰氣多而右脈大為順故宜以候常先合之也

離絕苑結憂恐喜怒五臟

空虚血氣離守工不能知何術之語

離謂離間親愛絕謂絕念所懷苑謂

苑積思慮結謂結固餘怨夫間親愛者魂遊絕所懷者
意喪積所慮者神勞結餘怨者志苦憂愁者閉塞而不
行恐懼者蕩憚而失守盛忿者迷惑而不治喜樂者憚
散而不藏由是八者故五臟空虛血氣離守工不思晚
又何言哉新校正云按蕩憚而失守甲乙經作不收嘗富大傷斬筋絕脈身體復

行令澤不息

斬筋絕脈言非分之過損也身體雖以復舊而行且令津液不為滋息也何者精氣

耗減也澤者液也

故傷敗結留薄歸陽膿積寒炁

陽謂諸陽脈及六腑也炁

謂熱也言非分傷敗筋脈之氣血氣內結留而不去薄於陽脈則化為膿久積腹中則外為寒熱也粗工

治之亟刺陰陽身體解散四肢轉筋死日有期

不知寒熱為膿

積所生以為常熱之疾槩施其法數刺陰陽經脈氣奪病甚故身體解散而不用四肢廢運而轉筋如是故知

死日有期宜謂
命不謂醫耶

醫不能明不問所發唯言死日亦為粗

工此治之五過也

言粗工不必謂解不備學者縱備盡三世經法診不備三常療不順五過

不求餘緒不問持身

凡此五者皆受術不通人事不明

亦足為粗略之醫爾

也言是五者但名受術之徒未足以通悟精微之理人間之事尚猶懵然故曰聖人之治

病也必知天地陰陽四時經紀五臟六腑雌雄表裏刺

灸砭石毒藥所主從容人事以明經道貴賤貧富各異

品理問年少長勇怯之理審於分部知病本始八正九

候診必副矣

聖人之備識也如此工宜勉之

治病之道氣內為寶循求

其理求之不得過在表裏

工之治病必在於形氣之內求有過者是為聖人之實也

求之不得則以臟腑之氣

陰陽表裏而察之

新校正

云按全元起本及太素作氣內為實楊工善云天地間氣為外氣人身中氣為內氣外氣裁成萬物是為外實內氣榮衛我生故為內實治病能求內氣之理是治病

之要也守數據治無失俞理能行此術終身不殆

守數謂血氣多

少及刺深淺之數也據治謂據穴俞所治之旨而用之也但守數據治而用之則不失穴俞之理矣殆者危也

不知俞理五臟苑熱癰發六腑

苑積也熱熱也五臟積熱六腑受之陽熱相薄

熱之所過診病不審是謂失常

謂失常經術正用之道也

謹守此治

與經相明

謂前氣內循求俞會之理也

上經下經揆度陰陽奇恒五

中決以明堂審於終始可以橫行

所謂上經者言氣之通天也下經者言病

之變化也言此二經揆度陰陽之氣

奇恒五中皆決於

明堂之部分也揆度者度病之深淺也奇恒者言奇病

也五中者謂五臟之氣色也夫明堂者所以視萬物別

白黑審長短故曰決以明堂也審於終始者謂審察五

色因王終而復始也夫道循如是應用不窮目牛

無全萬舉萬當由斯高遠故可以橫行於世間矣

徵四失論篇第七十八

新校正云按全元起本在第八卷名方論得失明著

黃帝在明堂雷公侍坐黃帝曰夫子所通書受事衆多

矣試言得失之意所以得之所以失之雷公對曰循經

受業皆言十全其時有過失者請聞其事解也

言循學經師受

傳事業皆謂十全於人庶及乎施用正術宣帝曰子年行至道或得失之於世中故請問其解說也

少智未及邪將言以雜合耶

言謂年少智未及而不得十全耶為復且以言而離

合衆人之用耶帝疑先知而反問也

夫經脈十二絡脈三百六十五此皆

人之所明知工之所循用也

謂循學而用也

所以不十全者精

神不專志意不理外內相失故時疑殆

外謂色內謂脈也然精神不專

於循用志意不從於條理所謂粗略揆度失常故色脈相失而時自疑殆也

診不知陰陽逆

從之理此治之一失矣

脈要精微論曰冬至四十五日陽氣微上陰氣微下夏至四十

五日陰氣微上陽氣微下陰陽有時與脈為期又曰微妙在脈不可不察察之有紀從陰陽始由此故診不知

陰陽逆從之理為一失矣

受師不卒妄作雜術謬言為道更名自功

新校正云按太素功作巧

妄用砭石後遺身咎此治之二失也

不終師術

惟妄是為易古變常自功循己遺身之咎不亦宜乎故為失二也老子曰无遺身殃是謂襲常蓋嫌其妄也

不適貧富貴賤之居坐之薄厚形之寒溫不適飲食之

宜不別人之勇怯不知比類足以自亂不足以自明此

治之三失也

貧賤者勞富貴者佚佚則邪不能傷易傷以勞勞則易傷以邪其於勞也則富者處

貴者之半其於邪也則貧者居賤者之半例率如此然世祿之家或此殊矣夫勇者難感怯者易傷二者不同蓋以其神氣有壯弱也觀其貧賤富貴之義則坐之薄厚形之寒溫飲食之宜理可知矣不知比類用必乖舛

則適足以汨亂心緒宜通診病不問其始憂患飲食之明之可望乎故為失三也

失節起居之過度或傷於毒不先言此卒持寸口何病

能中妄言作名為粗所窮此治之四失也

憂謂憂懼也患謂患難也

飲食失節言甚飽也起居過度言潰耗也或傷於毒謂病不可拘於臟腑相乘之法而為療也卒持寸口謂不先持寸口之脈和平與不和平也然工巧備識四術猶疑故診不能中病之形名言不能合經而妄作粗略醫者尚能窮妄謬之違背況深明是以世人之語者馳千者見而不謂非乎故為失四也

里之外不明尺寸之論診無人事

言工之得失毀譽在世人之言語皆可至

千里之外然其不明尺寸之診論當以何事知見於人耶

治數之道從容之葆

治主葆也

平也言診數當至之氣皆以氣高下而為比類之原本也故下文曰

坐持寸口診不中五

脈百病所起始以自怨遺師其咎

自不能深學道術而致診差違始上申怨

謗之詞不遺過咎於是故治不能循理棄術於市妄治時

師氏者未之有也

愈愚心自得

不能修學至理乃術賣於市屢人不信之謂之虛謬故云棄術於市也然愚者百慮

而一得何自功之有耶

新校正云

嗚呼窈窈冥冥熟

知其道

今詳熟當作孰

道之大者擬於天地配於四海汝不知

道之諭受以明為晦

嗚呼歎也窈窈冥冥言玄遠也至道玄遠誰得知之孰誰也擬於天

地言高下之不可量也配於四海言深廣之不可測也然不能晚諭於道則投明道而成暗昧也晦暗也

二二二

内經

十五

黃帝內經素問卷二十三

黃帝內經素問卷二十三音釋

著至教論恤

戌音

示從容論砭

切方驗

䟽五過論沮

余子

切憚

但音

佚

逸音

葆

保音

徵四失論徇

切松倫

黃帝內經素問卷二十三音釋

黃帝內經素問卷二十四

唐王冰次注

宋林億等校正

陰陽類論

方盛衰論

解精微論

陰陽類論篇第七十九

新校正云按全元起本在第八卷

孟春始至黃帝燕坐臨觀八極正八風之氣而問雷公

曰陰陽之類經脈之道五中所主何臟最貴

孟春始至謂立春之

日也燕安也觀八極謂視八方遠際之色正八風謂候

八方所至之風朝會於太一者也五中謂五臟新枝

正云詳八風朝太一具大元玉冊中又按楊上善云夫

天為陽地為陰人為和陰無其陽衰救無已陽無其陰

生長不止生長不止則傷於陰陰傷則陰災起衰救不

已則傷於陽陽傷則陽禍生矣故須聖人在天地間和

陰陽氣令萬物生也和氣之道謂先脩身為德則陰陽

氣和陰陽氣和則八節風調八節風調則八虛風止於

是此病不起嘉祥竟集此亦不知所以然而然也故黃

帝問身之經脈貴賤依之調攝修德於身以正八風之

氣雷公對曰春甲乙青中主肝治七十二日是脈之主

時臣以其臟最貴

東方甲乙春氣主之自然青色內通肝也金匱真言論曰東方青色入通

於肝故曰青中主肝也然五行之氣各王七十二日五
積而乘之則終一歲之數三百六十日故云治七十二
日也夫四時之氣以春為始五臟之應肝臟
合之公故以其臟為最貴臟或為道非也

帝曰却念

上下經陰陽從容子所言貴最其下也

從容謂安緩此
類也帝念脈經

上下篇陰陽比類形氣不以肝臟
為貴故謂公之所貴最其下也

雷公致齋七日旦復

侍坐

悟非故齋以洗心
願益故坐而復請

帝曰三陽為經二陽為維一陽

為游部

經謂經綸所以濟成務維謂維持所以繫天真
游謂游行部謂身形部分也故主氣者濟成務

化教者繫天真主色者散布精微游行諸部也

新校

正云按楊上善云三陽足太陽脈也從目內眥上頭分

為四道下項并正別脈上下六道以行於背與身為經

二陽足陽明脈也從鼻而起下咽分為四道并正別脈

六道上下行腹綱維於身一陽足少陽脈也起目外眥絡頭分為四道下缺盆并正別脈六道上下生經營百節流氣三部故曰游部此知五臟終始則五臟之終始可謂知矣

三陽為表二陰為裏

三陽太陽二陰少陰也少陰與太陽為表裏故曰三陽為表二陰為裏

裏一陰至絕作朔晦却具合以正其理

一陰厥陰也厥陰也虛樞經曰

亥為左足之厥陰戌為右足之厥陰兩陰俱盡故曰厥陰夫陰盡為晦陰生為朔厥陰者以陰盡為義也徵其氣王則朔適言其氣盡則晦既見其朔又當其晦故曰一陰至絕作朔晦也然徵彼俱盡之陰合此發生之木以正應五行之理而無替循環故云却具合以正其理也

新校正云按注言陰盡為晦陰生為朔疑是陽生

為雷公曰受業未能明

言未明氣候之應見

帝曰所謂三陽者太

陽為經

陽氣盛大故曰太陽

三陽脈至手太陰弦浮而不沈決以

度察以心合之陰陽之論

太陰為寸口也寸口者手太陰也脈氣之所行故脈皆至

於寸口也太陽之脈洪大以長今弦浮不沈則當約以

四時高下之度而斷決之察以五臟異同之候而參合

之以應陰陽之所謂二陽者陽明也

靈樞經曰辰為左足之陽明巳為右

論知其臧否耳

足之陽明兩陽合明故曰二陽者陽明也

至手太陰弦而沈急不鼓炁至以

病皆死

鼓謂鼓動炁熱也陽明之脈浮大而短今弦而沈急不鼓者是陰氣勝陽木來乘土也然陰氣

勝陽木來乘土而反熱病至者是陽氣之一陽者少陽

衰敗也猶燄之焰欲滅反明故皆死也

一陽者少陽

也陽氣未大至手太陰上連人迎弦急懸不絕此少陽

故曰少陽

之病也

人迎謂結喉兩傍同身寸之一寸五分脈動應手者也弦為少陽之脈今急懸不絕是經氣不

足故曰少陽之病也懸者謂如懸物之動搖也

專陰則死

專獨也言其獨有陰氣而無陽氣則死

三陰者六經之所主也

三陰者太陰也言所以諸脈皆至手太陰者何耶以是六經之

主故也六經謂三陰三陽之經脈也所以至手太陰者何以肺朝百脈之氣皆交會於氣口也故下文曰交

於太陰

此正發明肺朝百脈之義也經脈別論曰肺朝百脈

伏鼓不浮上控志心

脈伏鼓擊而不上浮者是心氣不足故上控引於心而為病也志心謂小心也刺禁論曰七節之傍中有小心此之謂也新校正云按楊上善云肺脈浮濇此為平也今見伏鼓是腎脈也足少陰脈貫脊屬腎上入肺中從肺出絡心肺氣下入腎志上入心二陰至肺其氣歸神也王氏謂志心為小心義未通

膀胱外連脾胃

二陰謂足少陰腎之脈少陰之脈別行者入跟中以上至股內後廉貫脊屬腎

絡膀胱其直行者從腎上貫肝膈入肺中故上至於肺其氣歸於膀胱外連於脾胃

一陰獨至經

絕氣浮不鼓鈎而滑

若一陰獨至肺經氣內絕則氣浮不鼓於手若經工內絕則鈎而滑

新校正云按楊上善云一陰厥陰也

此六脈者乍陰乍陽交屬相并繆

通五臟合於陰陽

或陰見陽脈陽見陰脈故云乍陰乍陽也所以然者以氣交會故爾當審

比類以知陰陽也

先至為主後至為客

脈氣乍陰見陽乍陽見陰何以別之當以先至

為主後至為客也至謂至寸口也

雷公曰臣悉盡意受傳經脈頌得從

容之道以合從容不知陰陽不知雌雄

頌今為誦也公言臣所頌詩今

從容之妙道以合上古從容而比類形名猶不知陰陽
尊卑之次不知雌雄殊目之義請言其旨以明著至教

陰陽雌雄相輸應也帝曰三陽為父父所以言濟羣二陽為衛所衛

以却禦諸邪一陽為紀紀所以綱紀形三陰為母母所以育

言扶生也養諸子言二陰為雌雌者陰一陰為獨使一陰之臟外

滋生也主謁導諸氣名為二陽一陰陽明主病不勝一陰脉與而

使者故云獨使也動九竅皆沈一陰厥陰肝木氣也二陽陽明胃土氣也

勝木故云不勝一陰脉與而動者與為胃氣動謂木三

形土木相持則胃氣不轉故九竅沈滯而不利也陽一陰太陽脉勝一陰不能止內亂五臟外為驚駭三陽

足太陽之氣故曰太陽勝也木生火今盛陽燔木木復受之陽氣洪盛內為狂熱故內亂五臟也肝主驚駭故外

形驚駭

二陰二陽病在肺少陰脈沈勝肺傷脾外傷四

之狀也二陰謂手少陰心之脈也二陽亦胃脈也心胃合病邪上下并故內傷脾外勝肺也所以然者胃為脾府心

大勝金故兩脾主四肢故脾傷則外傷於四肢矣少陰

脈謂手掌後同身寸之五分當小指神門之脈也新

校正云詳此二陽乃手陽明大腸肺之府也少陰心火

勝金之府故云病在肺王氏以二陽為胃義不甚通

況又以見胃病腎之說此乃是心病肺也又按二陰二

全元起本及甲乙經太素等並云二陰一陽二陰二

陽皆交至病在腎罵詈妄行顛疾為狂

二陰為腎水之臟也二陽為胃

土之府也土氣刑水故交至而病在二陰一陽病出於腎也以水腎不勝故胃盛而顛為狂

腎陰氣客遊於心腕下空竅堤閉塞不通四肢別離一陽

謂手少陽三焦心主火之府也水上于火故火病出於腎陰氣客遊於心也何者腎之脈從腎上貫肝膈入肺中其支別者從肺中出絡心注胸中故如是也然空竅陰客上遊胃不能制胃不能制是土氣衰故腕下空竅皆不通也言堤者謂如堤堰不容泄漏胃脈循足心脈絡手故四肢如別離而不用也新校正云按王氏云胃脈循足按此二陰一陰一陽代絕此陰氣至心上陽病出於腎胃當作腎

下無常出入不知咽喉乾燥病在土脾一陰厥陰脈一陽少陽脈並本

之氣也代絕者動而中止也以其代絕故為病也木氣生火故病生而陰氣至心也夫肝膽之氣上至頭首下至腰足中主腹脇故病發上下無常處也若受納不知其味竅為不知其度而喉咽乾燥者喉嚨之後屬咽為

脾之使故病則咽喉乾燥雖病在脾土之中蓋由肝膽之所為爾

二陽三陰至陰皆在

陰不過陽陽氣不能止陰陰陽並絕浮為血瘀沈為膿

腑

二陽陽明三陰手太陰至陰脾也故曰至陰皆在也然陰氣不能過越於陽陽氣不能制心今陰陽相薄

故脈並絕斷而不相連續也脈浮為陽氣薄陰故為血瘀脈沈為陰氣薄陽故為膿聚而腑爛也

陰陽

皆壯下至陰陽

若陰陽皆壯而相薄不已者漸下至於陰陽之內為大病矣陰陽者男子為陽

道女子為陰益者以其

上合昭昭下合冥冥

昭昭謂陽明之上冥

能盛受故而下注也

冥謂至陰之內診決死生之期遂合歲首

謂下短

雷公

幽暗之所也

曰請問短期黃帝不應

欲其復問而寶之也

雷公復問黃帝曰在

經論中

上古經之中也

新校正云按全元起雷公曰本自雷公已下別為一篇名四時病類

雷公曰

請聞短期黃帝曰冬三月之病病合於陽者至春正月

脈有死徵皆歸出春

病合於陽謂前陰合陽而為病者也雖正月脈有死徵陽已發生至

王不死故出春三月而至夏初也

冬三月之病在理已盡草與柳葉皆

殺理謂二陰腎之氣也然腎病而正月脈有死徵者以枯草盡青柳葉生出而皆死也理裏也已以也古用

同春陰陽皆絕期在孟春

立春之後而脈陰陽皆絕者期死不出正月

云太素春三月之病曰陽殺

陽病不謂傷寒溫熱之病謂非時病熱脈洪盛數也

然春三月中陽氣尚少未當全盛而反病熱脈洪盛數也者經云脈不再見夏脈當洪數無陽外應故必死於夏

至也以死於夏至陽氣殺物之時故云陽殺也陰陽皆絕期在草乾若不陽病但陰陽之

脈皆懸絕者死在於霜降草乾之時也夏三月之病至陰不過十日謂熱病也

脾熱病則五臟危土成數十故不過十日也陰陽交期在濂水評熱病論曰溫病而汗出

輒復熱而脈躁疾不為汗裏狂言不能食者病名曰陰陽交六月病暑陰陽復交二氣相持故乃死於立秋之

候也新校正云按全元起本云濂水者七月也運申水生於申陰陽逆也楊上善云濂廉檢反水靜也七月

水生秋三月之病三陽俱起不治自己秋陽氣衰陰氣漸出陽不勝陰

故自陰陽交合者立不能坐坐不能起以氣不由其正用故爾三

陽獨至期在石水有陽無陰故云獨至也若至教論曰三陽獨至者是三陽并至由此則但

有陽而無陰也石水者謂冬月水水如石之時故云石

水也火墓於戌冬陽氣微故石水而死也新校正云

詳石水之解本全元起之說王氏取之

起之說王氏取之

水謂雨雪皆解為水之時則止謂正月中氣

也新校正云按全元起本二陰作三陰

方盛衰論篇第八十

新校正云按全元起本在第八卷

雷公請問氣之多少何者為逆何者為從黃帝答曰陽

從左陰從右陽氣之多少皆從左陰氣之多少皆從右從者為順反者為逆陰陽應象大論曰左

右者陰陽老從上少從下老者穀衰故從上為順少者欲甚故從下為順是以

之道路也

春夏歸陽為生歸秋冬為死歸秋冬謂反歸陰也歸陰則順殺伐之氣故也反

之則歸秋冬為生

反之謂秋冬則歸陰為生也

是以氣多少逆皆

為厥

陽氣之多少反從右陰氣之多少反從左是為不順故曰氣少多逆也如是從左從右之不順者皆

為厥

厥謂氣逆

問曰有餘者厥耶

言少之不順者為逆有餘者則成厥逆之

故曰皆為厥也

乎谷曰一上不下寒厥到膝少者秋冬死老者秋冬生

一經之氣厥逆上而陽氣不下者何以別之寒厥到膝

是也四逆者諸陽之本當溫而反寒上故曰寒厥也秋

冬謂歸陰歸陰則從右發生其病也少者以陽氣用事

故秋冬死老者以陰氣用事故秋冬生新校正云按

楊上善云虛者厥也陽氣一上於氣上不下頭痛巔疾

頭不下於足足脛虛故寒厥至膝

巔謂身之上巔疾求陽不得求陰不審五部隔無徵若

則頭首之疾也

居曠野若伏空室縣縣乎屬不滿日

謂之陽乃脈似陰盛謂之陰又脈似

陽盛故曰求陽不得求陰不審也五部謂五臟之部隔

謂隔遠无徵无徵猶无可信驗也然求陽不得其熱求

陰不審是寒五臟部分又隔遠而无可信驗故曰求陽

不得求陰不審五部隔无徵也夫如是者乃從氣久逆

所作非由陰陽寒熱之氣所為也若居曠野言心神散

越若伏空室謂志意沈潛散越以氣逆而痛甚未止沈

潛以痛定而復恐再來也縣縣乎謂動息微也身雖縣

縣乎且存然其心所屬望將不得終其盡日也故曰縣

縣乎屬不滿日也新校正云按太素云是以少氣之

若伏空室為陰陽之有此五字疑此脫漏

厥令人妄夢其極至迷

氣之少有厥逆則令人妄為夢寐其厥之盛極則令人夢至迷

亂三陽絕三陰微是為少氣

三陽之脈慙絕三陰之診細微是為少氣之候也

新校正云按太素云至陽絕陰是為少氣是以肺氣虛則令人夢見白物見

人斬血藉藉

白物是象金之色也斬者金之用也藉藉夢死狀也

得其時則夢見

兵戰

得時謂秋三月也金為兵革故夢見兵戰也

腎氣虛則使人夢見舟船

溺人

舟船溺人皆水之用腎象水故夢形之

得其時則夢伏水中若有畏

恐

冬三月也

肝氣虛則夢見茵香生草

茵香生草草木之類也肝合草木故夢見

之

新校正云按全元起本云茵香是桂

得其時則夢伏樹下不敢起

春三月也

心氣虛則夢救火陽物

心合火故夢之陽物亦火之類

得其時則夢燔

灼

夏三月也

脾氣虛則夢飲食不足

脾納水穀故夢飲食不足

得其時則

夢築垣蓋屋

得其時謂辰戌丑未之月各王十八日築垣蓋屋皆土之用也

此皆五臟

氣虛陽氣有餘陰氣不足

腑者陽氣臟者陰氣

合之五診調之陰

陽以在經脈

靈樞經備有調陰陽合五診故引之曰以在經脈也經脈則靈樞之篇目也

診

有十度度人脈度臟度肉度筋度俞度

度各有其二故二五為十度也

陰陽氣盡人病自具

診備蓋陰陽虛盛之理則人病自具知之

脈動無常散

陰頗陽脈脫不具診無常行診必上下度民君卿

脈動無常

數者是陰散而陽頗調理也若脈診脫略而不具備者無以常行之診也察候之則當度量民及君卿三者調養之殊異爾何者憂樂苦分不同其秋政也

受師不卒使術不明不察逆從

是為妄行持雌失雄棄陰附陽不知并合診故不明

學不該備

傳之後世反論自章

章露也以不明而授與人反古之迹自然章露也

至

陰虛天氣絕至陽盛地氣不足

至陰虛天氣絕而不降至陽盛地氣微而不升

是所謂不交通也至謂至盛也

陰陽並交至人之所行

交謂交通也唯至人乃能調理

使行

陰陽並交者陽氣先至陰氣後至

陰陽之氣並行而交通於一處

者則當陽氣先至陰氣後至何者陽速而陰遲也靈樞經曰所謂交通者並行一數也由此則二氣亦交會於

一處也

是以聖人持診之道先後陰陽而持之奇恒之勢

乃六十首診合微之事追陰陽之變章五中之情其中

之論取虛實之要定五度之事知此乃足以診

奇恒勢六十首

今世是以切陰不得陽診消亡得陽不得陰守學不湛

知左不知右知右不知左知上不知下知先不知後故

治不久知醜知善知病知不病知高知下知坐知起知

行知止用之有紀診道乃具萬世不治

聖人持診起所

有餘知所不足

寶命金形論曰內外相得無以形先言起已身之有餘則當知病人之不足也

度事上下脈事因格

度事上下之宜脈事因格而至於微妙矣格至也是以形弱

氣虛死

中外俱不足也形氣有餘脈氣不足死

臟裏故脈

脈氣

有餘形氣不足生

臟盛故脈氣有餘

是以診有大方坐起有常

坐起有常則息力調適故診之方法必先用之

出入有行以轉神明

言所以貴坐起有常

者何以出人行運皆神明隨轉也

必清必淨上觀下觀司八正邪別五

中部按脈動靜

上觀謂氣色下觀謂形氣也八正謂八節之正候五中謂五臟之部分然後按

寸尺之動靜而定死生矣

循尺滑濇寒溫之意視其大小合之病能

逆從以得復知病名診可十全不失人情故診之或視

息視意故不失條理

數息之長短候脈之至數故診之法或視喘息也知息合脈病處必

知聖人察候條理斯皆合也

道甚明察故能長久不知此道失經絕

理亡言妄期此謂失道

謂失精微至妙之道也

解精微論篇第八十一

新校正云按全元起本
在第八卷名方論解

黃帝在明堂雷公請曰臣受業傳之行教以經論從容

形法陰陽刺灸湯藥所滋行治有賢不肖未必能十全

言所自受用可十全然傳所教習未能必
爾也賢謂心明智遠不肖謂癡造不法 若先言悲哀

喜怒燥濕寒暑陰陽婦女請問其所以然者卑賤富貴

人之形體所從羣下通使臨事以適道術謹聞命矣

以皆

先問聖旨猶請問有免愚仆漏之問不在經者欲聞其
未究其意端

狀

言不智狡見頓問多也漏脫漏也謂經有所未解者也

正云按全元起本仆作朴

帝曰大矣

人之所大要也

公請問哭泣而淚不出

者若出而少涕其故何也

言何臟之所為而致是乎

帝曰在經有也

靈樞經有悲哀涕泣之義

復問不知水所從生涕所從出也

復問謂重問也

欲知水涕所生之由也

帝曰若問此者無益於治也工之所知道

之所生也

言涕水者皆道氣之所生問之何也

夫心者五臟之專精也

任專

也言五臟精氣任心之所使以為神明之府是故能為

自者其竅也

神內守明外鑒故目其竅

也華色者其榮也

華色其神之外飾

是以人有德也則氣和於

目有亡憂知於色

德者道之用人之生也老子曰道生之德畜之氣者生之主神之舍也天

布德地化氣故人因之以生也氣和則神安神安則外
鑒明矣氣不和則神不守神不守則外榮滅矣故曰人
有德也氣和於目有亡也憂知於是悲哀則泣下泣
色也新校正云按太素德作得

下水所由生水宗者積水也

新校正云按甲乙經水宗作衆精

積水者

至陰也至陰者腎之精也宗精之水所以不出者是精

持之也輔之裏之故水不行也夫水之精為志火之精為

神水火相感神志俱悲是以目之水生也

目為上液之道故水火相

感神志俱悲水液
上行方生於目

故諺言曰心悲名曰志悲志與心精

共湊於目也

水火相感故曰心悲名曰志悲神志俱升故志與心神共奔湊於目

是以俱

悲則神氣傳於心精上不傳於志而志獨悲故泣出也

泣涕者腦也腦者陰也

五藏別論以腦為地氣所生背藏於陰而象於地故言腦者陰

陽上鑠也鑠則消也

新校正云按

髓者骨之充也

充

全元起本及甲乙經太素陰作陽

也言髓填於

骨充而滿也

故腦滲為涕

鼻竅通腦故腦滲為涕流於鼻中矣

志者骨之

主也是以水流而涕從之者其行類也

類謂

夫涕之與

泣者譬如人之兄弟急則俱死生則俱生

同源故生死俱

新校正

云按太素生則俱生作出則俱亡

其志以早悲是以涕泣俱出而橫行

也

行恐當為流

夫人涕泣俱出而相從者所屬之類也

所屬謂於

腦也何者上文云涕泣者腦也

雷公曰大矣請問人哭泣而淚不出者

若出而少涕不從之何也

怪其所屬同行出異也

帝曰夫泣不出

者哭不悲也不泣者神不慈也神不慈則志不悲陰陽

相持泣安能獨來

泣不出者謂淚也不泣者泣謂哭也水之精為志火之精為神水為陰火

為陽故曰陰陽相持安能獨來也

夫志悲者惋惋則沖陰沖陰則志去

目志去則神不守精精神去目涕泣出也

惋謂內慄也沖猶升也

神志相感泣由是生故內慄則陽氣升於陰也陰腦也去目謂陰陽不守目也志去於目故神亦浮游夫志去

目則光無內照神失守則精不外明故曰精神去目涕泣出也且子獨不誦不念夫經

言乎厥則目無所見夫人厥則陽氣并於上陰氣并於

下

并謂各并於本位也

陽并於上則火獨光也陰并於下則足寒

足寒則脹也夫一水不勝五火故目皆盲

皆視也一水目也五火謂

五臟之厥陽也

新校正云按甲乙經無皆字

是以衝風泣下而不止夫風

之中目也陽氣內守於精是火氣燔目故見風則泣下

也

風迫陽伏不發故內燔也

有以比之夫火疾風生乃能雨比之類

也

故陽并則火獨光盛於上不明於下是故目者陽之所生系於臟故陰陽和則精明也陽厥則光不上陰

厥則足冷而脹也言一水不可勝五火者是手足之陽
為五火下一陰者肝之氣也衝風泣下而不止者言風
之中於目也是陽氣內守於精故陽氣盛而火氣燔於
目風與熱交故泣下是故火疾而風生乃能雨以陽火
之熱而風生於泣以此譬之類也新校正云按
甲乙經無火字太素云天之疾風乃能雨無生字

黃帝內經素問卷二十四

黃帝內經素問卷二十四音釋

陰陽類論兼

音廉

方盛衰論菌

祛倫切

解精微論篋

士街

切
湊

倉奏切

黃帝內經素問卷二十四音釋

謹案卷二十二第三頁前七行陽明司天為燥化
刊本司訛可據張志聰本改

第八頁後五行佐以苦甘刊本脫甘字據張志聰
及吳崐本增

第十一頁前二行胛腫骨痛陰痺按吳崐本胛腫
上有民病二字

第十八頁前二行以苦寫之刊本寫訛泄據吳本改
第二十一頁前七行故治以酸寒也刊本酸訛辛

據經文改

第三十四頁前六行先寒而後生病者治其本按
標本病傳論此句下有先病而後生寒者治其
本一句

第三十九頁前七行食入反出刊本入訛久據吳
崐本引此注改

第三十九頁後一行是無水也刊本水訛火又是
無火也刊本火訛水並據吳崐本引此注改

第三十九頁後二行責賢之弱刊本弱訛少又適
其中外疏其壅塞刊本訛作居其中間束者塵
塞並據吳崐本引此注改

第四十頁後七行猶人火也刊本人訛水據吳崐
本引此注改

第四十四頁後二行不治五味屬也按吳崐本作
不味王味屬也注云以五味治其所主謂之味
王五味各入其所屬謂之味屬疑當從吳崐本

為是

卷二十三第一頁後四行不足至侯王刊本侯訛
誤據張志聰及吳崐本改

第六頁前一行恣於味刊本味訛求據上文改

第六頁前四行石之言堅也刊本石訛不據經文
改

第六頁前五行形氣消索也刊本消訛汨據張志
聰本改

第六頁後一行切脉浮大而虛刊本虛訛緊據吳
崐本及下文改

第六頁後四行援物比類刊本比訛也又化之冥
冥刊本化訛色並據張志聰本改

第八頁後八行醫工診之刊本工訛壬據張志聰
本改

第九頁後二行風寒水列刊本水訛作水列據異
法方宜論改

第十四頁前四行卒持寸口刊本持訛六據經文

改

卷二十四第二頁後四行一陰厥陰也刊本缺一

字據經文增

第六頁前二行浮為血瘕沈為膿臍按吳崐本作
沈為血瘕浮為膿臍


第九頁前五行茵香生草刊本生草訛草生據經

文改

第十一頁後六行請問其所以然者按此句吳崐
本移在若先言悲哀喜怒之上

欽定四庫全書





總校官候補中書臣吳紹潔

校對官檢討臣王鍾健

謄錄監生臣王心仁